


序文





岐北族譜序

國有史家有譜蓋譜所以知源流之祖而維持乎家政無異史所以維持夫國政者也譜系不修上祖莫知所由來後輩莫知所從出故欲知我之祖則譜不可不修我祖福建省興化府莆田縣舊基鎮前涵頭是也上祖諱瑀以進士任潮州軍事遺一男曰适适遺一男曰圭字大丁賜進士工部郎中加賜官品朝請大夫任潮州軍事觀其山水之勝創立龜山後遷嘉定岐北而居是大丁公爲潮起家之始祖焉唐貞元七年釋大顛雲遊入界見山水廻環奇秀遂謁貴山長者大丁公曰老僧欲就壇樾求袖影地公唯然大顛卽一日登于山頂以袈紗披之影罩數里長者知師法力廣大願捨此地永爲寶坊置立禪院名曰靈山寺顛師與僧善覺爲之主也貞元十三年仍捨院前田以充常住大丁公遺一男曰璋任知州謫主簿璋遺四男長曰攀龍舉人任主簿官品將仕郎次

附鳳舉人選縣尹官品登仕郎三奮虬賜進士選通判官品承直郎四必達漕
貢進士兄弟並官于朝簪纓脉絡代不乏人祖孫先後共施田地四千六百畝
捨入靈山寺永爲常住刻立石碑題樑爲記設宗系未經譜錄慮恐代遠年深
源流無據則後世無傳焉譜系已錄詳悉具備使子子孫孫世守可也今溯其
流以及其源則昭穆名字之避同或嫡庶婢生之名分其墳墓祭田莫不具載
著爲一譜俾萬世不泯焉

皆在大宋端拱元年春正月

第七代孫進士知縣宗啟書

北岐續修族譜序

人道莫大於分家政莫切於譜蓋分所以綱紀乎人道而譜所以維持夫家政者也使其著述弗精其失也晦推衍無據其失也疎疎與晦皆非所以語譜而分亦因之以不明也慨夫風氣寢衰人心不古始有卑污苟賤之流妄攀故家貴族爲宗亦有身膺榮顯忘其共本同源之裔如郭崇韜哭子儀之墓者滔滔皆是也求如范希文不從朱姓狄青不拜仁傑者能幾何哉此譜之所以作也我洪氏祖族居福建興化府莆田縣鎮前涵頭上祖諱瑀唐中宗朝知潮州府事遺一男曰适适遺一男曰圭字大丁賜進士工部郎中加贈授潮州府知府官品朝請大夫因見潮邑山水之勝創立龜山後遷嘉定岐北爲我家之始祖百世不遷焉時有釋大顛師遊人界內觀其山水廻環奇秀遂謁貴山長者曰老僧欲就檀樾求袖影地公許之一日師登于山頂以袈裟披之影障數里長

者知師法異愿捨此地永為寶坊至貞元十三年仍捨院前福田以充常住男

諱璋任知州官品奉政大夫遺下四男長攀龍舉人任主簿官品將仕郎次附

鳳舉人任主簿轉縣尹官品登仕郎三奮虬賜進士選通判官品承直郎四必

達漕貢進士兄弟並官于朝七世祖諱宗啟賜進士選知縣官品文林郎祖孫

先後共施田地四千六百餘畝捨入靈山寺以為常住自唐景佑年間本縣令

董主簿趙裳至宋元祐間住持僧清照立石元至正間潮陽縣主簿曾仕魯及

大明正德間本邑進士李朝會所著碑文前後昭然在寺歷唐至宋而元而大

明簪纓傳世後先輝映為世所稱潮陽望族無能有出其右者良瓚乃二十五

代孫僅見族屬猶衍舊譜失修慮恐代隔年深歲久湮淪世系不明於是搜尋


前代之所輯錄展轉研究始末以修葺之失今不脩譜系不明源流無自安能

免蹈郭崇韜之羞哉今溯其流以及其源則昭穆次序名字諡行及墳山墓誌

時諱備載著爲一譜以爲我族之小補云

峕在

大明嘉靖壬寅春二月朔日二十五代孫良瓚書





序
岐北鄉

天地間凡物有本也有親也本乎天者親上本乎地者親下親上者非偏向於上也陽族者親陽耳親下者非偏向乎下也陰族者親陰耳物且然而況於人乎人也者物之至也天地之塞吾其體總而言之民吾仝胞物吾與也仁民愛物之意也要而言之親睦九族然後平章百姓親親仁民之意也君子爲仁必自親始蓋親莫親於宗族宗族骨肉之親也雖族屬踈遠支派分異原其初本同一氣視異姓殆不侔矣柰何世人之不親於族有遇諸塗而不識者有過其門而不入者何以哉譜系不修分居已遠故也故欲知吾之祖而譜系不可以不脩念厥同根則情義自相維繫吾祖起於唐住莆田厥里鎮前涵頭是也遠祖諱瑀者封贈國公遺下一男曰适适遺一男曰圭字大丁官居朝請大夫知潮州府事觀其潮邑山水之勝卜宅龜山爲吾家之始祖後遷嘉定岐北家資

觀下舉練
 岐岐南
 等市分明
 二市之名
 觀下消湘
 泥涓洪使
 麒麟等橋
 分明四橋
 之名

炫耀糧米數千圭遺男曰璋唐順宗朝仕藤州知州官品奉政大夫璋遺下四
 男長曰攀龍次日附鳳三日奮虬四曰必達為吾家仁義禮智之起派兄弟並
 官於朝而我奮虬公身登甲科七世而宗啟公名標黃榜臚聲膾炙人口今傳
 未艾者此尤先人奮翼之力也自唐至今幾更國祚歷年八百有奇矣後先兵
 火而族屬猶衍業產未廢者亦先人陰功剏造濟眾之所致也亦果何所據哉
 問其靈山寺糧二百餘石吾祖之功也岐南舉練岐街市吾祖之置也消渡泥
 涓麒麟洪使等橋吾祖之造也而至於設石塗以路人馬之艱捐己財以廣廟
 觀之設闢河道以通船隻之便縱橫曲直比比可觀彼沾沾小惠而自樹厥功
 者殆逕庭之懸隔耳為子孫者亦當念一脉之流來知厚親族知篤恩義無胥
 戕無胥虐力於學而勉于耕順乎道而歸乎化無自賊厥躬無貽恥先人則存
 順沒甯之道得而繼志述事之意彰矣吾先祖一視同仁之情慰矣繼今二十

五代孫僅見族屬散處譜被人滅人丁彫瘁祖業日侵月蝕之餘每長嘆息者

一流涕者二謀于族長欲竭力以脩奈因人衆不齊參商南北苟延歲月邇得

後弟

良瓚

者志協道同捐資紙筆參考各具之輯錄簿出

範

視以一宗一輩台

爲一代附于妣氏隨以諱墓月日更逐附記其功

範

因嘉其志存復義而事未

恢吾意者何耶支分節解脉絡混淆人不易曉故也繼今嘉靖甲辰元日具衣

巾而拜於祖寢將弟集錄袖回于家沉潛反復至再至三會釋其義乃敢折衷

以四世爲圖復於四世起派有功者另錄於後墓諱者詳紀於末出繼必書有

後必書有官必書有字號必書孫系於子子系於父大宗小派若木之根而幹

幹而未詳畧相因綱目必舉前日混觀今日易斷自

範

始矣詩曰知我者謂我

心憂不知我者謂我何求

範


之此行字淺才踈隘聞管見極知僭逾無所逃罪

然於上祖知所流來後輩知所從出散處知重乎根居子侄知敦乎恩義未必

無少補云

嘉靖甲辰春三月望日大宗禮房小宗吉房二十五代孫

範書



序

岐北

國有史家有譜譜者譜也通己宗族源流支派開創之祖繼成之人或親盡而卽毀或功高而不遷其間子孫善可勸惡可戒或名字之避同或聘娶之有別與夫嫡庶婢生墳墓祭田莫不具載亦爲一家之史也世系不明源流無據生長販鬻之徒妄攀貴族爲宗派亦有身膺榮顯忘其共本同源之裔此范希文不從朱姓郭崇韜哭子儀之墓所以爲羞也吾洪族祖居莆田鎮前是也上祖諱瑀遺下一男曰适孫諱圭字大丁賜進士工部郎中加贈官品朝請大夫遺一男曰璋任知州官品奉政大夫遺下四男長攀龍任主簿官品將仕郎次附鳳任縣尹官品登仕郎三奮虬賜進士選通判官品承直郎四必達漕貢進士兄弟並官於朝七世孫諱宗啟賜進士選知縣官品文林郎祖孫先後共施田地四千六百餘畝捨入大顛靈山寺永爲常住祠內合龕遺像歷僧奉祀自唐

長慶年其徒善覺碑梓而勒之至宋元祐間住持僧清照批券立碑昭示元至
 正間潮陽縣主簿曾仕魯所著碑文昭然在寺自唐而宋而元歷年五百有餘
 舊譜所載而存之者代其遠矣失今不脩則後世無傳焉創造岐南練岐街市
 石路舖至五十里吾祖之功也消湘泥湄洪使麒麟橋吾祖之造也雖然積善
 之家必有餘慶吾祖積德以來殆非一日子孫繼述瓜瓞綿綿必有續吾志者
 為箕為裘克振乎家聲讀詩讀書有光於前烈代以繼代而益脩使斯譜衍之
 億萬世而不泯焉

峕

大明萬曆四十二年

孫崇聖重修

序
岐北鄉

嘗謂家無譜則世不定譜不修則族之散渙無據旨哉言也蓋有感於宋公祖之言而言之也吾宗肇自嘉定岐北始祖諱圭字大丁孫奮虬七世孫宗啟三人皆進士七代相承奕葉重光創建靈山大顛禪寺施入田地山塘四千六百餘畝垂裙沙門相傳收租奉祀香燈春秋二祭裊裊不斷復造消湘泥湄洪使麒麟等橋以周人渡涉鋪街市石路舉練岐岐南街等市以濟人往來自唐而宋而元刻碑立石鴻功茂烈聲施後世其視沾沾小惠者殆逕庭矣迨及明朝年計六百有餘中更兵火擾攘碑臥寺廢祭失寺田更官奉文變賣僅存一千九百餘畝靈山仙蹟廟祀血食幾於丘墟時值萬曆年間僧徒復謀建寺因掘土得斷碑璜暨庠生光祿目擊傷心思見祖德廢墜於萬曆十八年八月十六日訴於太守徐公直爲之核審諭令僧道應等立石刻碑紀載實在田地厥後

訴海防館同知楊可成并潮陽縣知縣沈浣仍復春秋二祭於本寺甬道三陽
 蓋千載猶如一日矣銘責屬宗子多有振墜之志慮今之後猶昔之今也於是
 命聖脩譜以紀其誌聖身非史才名未立成而管窺蠡測之見奚敢承命但
 戚族宗盟義無推諉同寅協恭遂領舊譜以葺之其間煨燼之末果有失而不
 脩者亦有脩而遂失者其字畫差謬漏錯乃細考碑記實曆後先忌諱墓載等
 處及互告勢佔僧家招稿與夫神山仔洪理爭祭靈山罪跡筆其本源溯其來
 曆昭昭可考俾後賢子賢孫瓜瓞相繼代以繼代而益脩而靈山廟祀血食不
 絕如縷者於茲燦然而重光矣是為序

峇

二十五代孫宗子良銘

大明萬曆四十二年

次歲

甲寅仲冬之吉慶房達公分支二十六代孫

宗幹希隆

端肅

全拜
脩書

二十七代孫宗幹

崇聖

岐北世系序

嘗考世系之作原以明倫也蓋世系不明前雖美而不彰後雖盛而莫傳茲
自

始祖諱大丁公迄今三十餘世矣溯 祖自莆田仕潮觀山川勝槩水勢環繞

因擇於嘉定岐北而居之及與

大顛仙師合德復於靈山建立廟寺廣增福田際逢

韓公重道謁 師留衣名列八景聲振皇都是 祖與

仙師 韓公享祀於無窮也宜哉溯 祖孫父子簪纓累代官宦世及前序固

已明矣但代久年湮派分流別隔郡隔鄉各立字序書序血脉貫通雖云一本

而書字各立幾不知其本之所由來矣而我 曾祖廩生諱鐘鳴族叔舉人諱

誥解元諱遇春庠生諱振波諱福者屢念系世不齊均欲重修有志而未之逮

也茲緣 始祖墓側被大坑鄉陳姓土豪霸佔我各派聚集呈

官追回因是復聚同立世系以明昭穆以別尊卑使後之子子孫孫尊 祖敬

宗事上接下不以貴賤而有殊也將見井井然字序其有條秩秩然書序其莫

紊則禮義之風萃於一門孝友之行流于後世而人文蔚起賢哲再生有志修

明倫序者不特知繼述之本而且見我

祖在天之靈我族之家聲復振者矣因立世系一體于左

字序

耀興隆奕禩樂傳香忠貞家道揚光宗維俊秀裕後發嘉祥

書序

開文章良猷徽聲遠作求廣德昌羽儀振盛業統緒垂綿聯 聯字似宜作長字

更叶不知是否然故序不敢擅更姑留之

咸豐九年歲次己未二月二十八日

派孫鳳翔敬書

惠來族譜序

自古立宗叙族垂傳後世則長幼名分秩然不紊而族貴矣蓋人之爲譜者特患宗法既廢世系不明昭穆莫辨而人始忘其本卽雖有志於今日念切復古而無由於是特借族譜維持其間使世系昭穆猶有可稽親疎恩義尙有所係亦若三代聖人遺意也我祖

瑞環

吾由漳入廣歷潮郡至惠邑先暫居于澳頭松樹圍後移居于胡盧峯至萬

曆丁巳年卜居徐公寮而我族始盛無幾時故明己往時值易世而變遷譜遭兵燹而遺失某乃與從兄弟等聚居西嶺肚三十餘載越己酉年蒙

皇恩展界隨移居沙墩鄉是地北近塋尾南連碣石東距甲子七十餘里西離豐邑一百餘里恐年延月久奔散遠方自此以至塗人者比比然也今且老成凋謝遺簡殘編又出於煨燼蠹蝕之餘余懼其久而寢湮後將無所考也

謹奉我從兄 爾爵者在甲子年序次其高曾祖父暨兄弟子姪派系以示余

曰吾祖本漳依北瓦壁舊族與正陽河角全派

漳浦杜潯洪姓人丁數萬以正陽城為大宗祠故曰正陽河角即海澄河福在東門外

語云漳

無二洪正此之謂也因時事孔艱移居廣地窃謂居今之世俗偷義薄有親服未盡即相視如外人者由不知有譜而忘其本故也一有知之又好為依附而譽其勢力以誇世胄是知有譜而不知離本故也吾從兄


爾爵慨世系之失惟紀其所可知一二實錄而傳諸後人庶幾有沿流溯源之士而存仁人孝子之心者乎後之子孫知今日立譜之意繼而紀之無失其真能若是者其於尊祖敬宗序親疎別長幼恩義之隆禮法之盛三代忠厚之遺風復見於今日憶昔亦嘗曆稽往牒有如王氏之槐竇氏之桂謝氏之芝蘭玉樹皆能蕃其枝葉以綿瓜瓞之祚揆厥所由大抵皆從忠厚立本勤儉培其根積德積學朝夕而灌溉之是以日新月盛因能保世以滋大吾子孫相與勸而

勉之母刻薄以傷風氣母驕侈以鑠天真母頑率宴佚以隕墜其家聲俾正陽
之支派奕葉彌茂無忝宗風今之人後之人偕重吾譜矣

因年久殘缺不能明辨姑闕之

峕

康熙甲戌年冬月穀旦 題于和順堂





二序皆
云興化
人則確
爲興化
衍派

玉塔
宣城郡族譜序
謹按宣城不與興化同系細閱舊譜確屬興化
衍派諒先人或出訛誤始照錄之以資考究

龍集甲午春宣城郡洪氏族長仲餘撫其 始祖考主簿公及其祖禰九族之

圖示余余詢其宗派之源則曰吾之始祖福建興化人也於宋末以儒士經業

舉進士中式授潮之潮陽縣主簿蒞政之初廉以律已仁而愛人三年考績天

官促裝未行間丁元兵平南追宋文天祥草昧間遂往揭陽縣玉塔而居焉創

田宅築廬舍觀其土地饒沃人物淳龐真勝概也迨五世矣昔者始祖公之所

傳譜牒分昭穆別尊卑明次序莫不俱備奈遭元季兵燹之餘家廟毀於鋒刃

家乘遭其失傳吾先祖玉巒公每每恨未及修撰以此仲餘固請于予而序予

曰夫族譜之作吾友之圖既明予何言哉然君子誘掖獎勸豈容已也且夫天

地生物區畫一定錫之土姓而立宗派如水之有源木之有根源深者而流益

長根固者而葉益茂祖宗之積德者子孫豈不隆盛也歟蓋洪氏本于燉煌郡

既改宣城皆秉詩禮之家士大夫之族也雖數千載之後而玉搭雲祢濟濟踰
踰繩繩蟄蟄又有若瓜瓞之綿綿者乎愚知仲餘重修族譜之心上以繼志述
事伸追遠之忱取上世所置祭田前有九房已絕者七知只存者二矣遞年輪收
以供祀事不可闕也下以傳子孫兢兢業業敬順無違如創造之艱難念守成
之不易鑑乎古今莫不以勤儉而興荒墮而亡可不戒哉苟宗譜不立服族疎
遠至於視至親不異路人甚可哀矣今仲餘是譜之作立家廟序昭穆使親親
長長紀綱彝倫秩然而不紊也宗族之親本同一氣雖內有閭墻之變而外當
禦防其侮祖宗不測有慶廢者思以贖之孤幼不能自存者思以恤之其名分
卽有親疎之殊其本源皆是祖宗之派是譜之誌主簿公百世不遷焉祭田四
十石世守不可廢也其繼世之垂統有增祖產創基業者宜稱頌之且子孫凡
有善惡者當悉書之善者可以爲勸惡者可以爲戒爲子孫者一體此心爲心

二序皆
云興化
人則確
爲興化
衍派

玉塔
宣城郡族譜序 謹按宣城不與興化同系細閱舊譜確屬興化衍派諒先人或出訛誤姑照錄之以資考究

龍集甲午春宣城郡洪氏族長仲餘撫其始祖考主簿公及其祖禰九族之

圖示余余詢其宗派之源則曰吾之始祖福建興化人也於宋末以儒士經業

舉進士中式授潮之潮陽縣主簿蒞政之初廉以律已仁而愛人三年考績天

官促裝未行間丁元兵平南追宋文天祥草昧間遂往揭陽縣玉塔而居焉創

田宅築廬舍觀其土地饒沃人物淳龐真勝概也迨五世矣昔者始祖公之所

傳譜牒分昭穆別尊卑明次序莫不俱備奈遭元季兵燹之餘家廟毀於鋒刃

家乘遭其失傳吾先祖玉巒公每每恨未及修撰以此仲餘固請于予而序予

曰夫族譜之作吾友之圖既明予何言哉然君子誘掖獎勸豈容已也且夫天

地生物區畫一定錫之土姓而立宗派如水之有源木之有根源深者而流益


長根固者而葉益茂祖宗之積德者子孫豈不隆盛也歟蓋洪氏本于燉煌郡

既改宣城皆秉詩禮之家士大夫之族也雖數千載之後而玉搭雲衲濟濟踰
踰繩繩蟄蟄又有若瓜瓞之綿綿者乎愚知仲餘重修族譜之心上以繼志述
事伸追遠之忱取上世所置祭田前有九房已絕者七只存者二矣遞年輪收
以供祀事不可闕也下以傳子孫兢兢業業敬順無違如創造之艱難念守成
之不易鑑乎古今莫不以勤儉而興荒墮而亡可不戒哉苟宗譜不立服族疎
遠至於視至親不異路人甚可哀矣今仲餘是譜之作立家廟序昭穆使親親
長長紀綱彝倫秩然而不紊也宗族之親本同一氣雖內有閭墻之變而外當
禦防其侮祖宗不測有慶廢者思以贖之孤幼不能自存者思以恤之其名分
卽有親疎之殊其本源皆是祖宗之派是譜之誌主簿公百世不遷焉祭田四
十石世守不可廢也其繼世之垂統有增祖產創基業者宜稱頌之且子孫凡
有善惡者當悉書之善者可以爲勸惡者可以爲戒爲子孫者一體此心爲心

豈不美哉愚固不敏因仲餘之請是爲序

龍集甲午年春月吉日

榕邑東里楊思古撰





書經
字未
有字
作我
者不
解我
若我
較安

玉塔 宣城郡族譜後序

我族宣城洪氏興化人也自始祖主簿公以簪纓宦族創立鴻基傳二世增置
田地盛于前人派下三世九房絕之者七惟存者二爲射書两房是也奉承宗
祀無缺乃前代天地人三房派下四世子孫先被本里山賊首林友成等所戮
滅絕無存尙又仇怨未報又將曾祖松岩公之墓毀壞發我公屍先代子孫不
能爲其報仇有何面目見于人乎恭請聖朝大統致治不期林友成苗裔不改
賊性陰集本里王狗達等九人假以陳蔭賊徒將從兄洪三洪奇一家三人謀
殺予日夜哀痛不休繼乃糾鄉耆帶義民擒獲王狗達捶死又將蔡賢七人送
官林武出奔逃走偷生豈知我祖宗靈爽不安究其輾轉訴告事下縣官不詳
斷結將予門解京年^半妻黃氏賢德猛勢赴京將武等及伊家老稚盡數擊鼓陳
情仍提武等到京問斷處決了將家屬林驚貼等充軍林武等滅族法官問予

爾告武之老稚爲何予告訴其情法官曰此四世孫爲曾祖父復仇也可謂中興之令子令孫矣旣而羸歸纘祖基業增創田地七百餘石吾百世之後子子孫孫當念吾之歷盡艱辛險阻宜其時時思之不可忘也但思祖禰鐵祭田內抽牛耳坑田租四十石命吾子姪仁義禮智信五房輪收追修二祀吁 神天之鑒宗廟之享豈不美哉余惟族長之分宗子之次蓋因大宗而無昭穆其勢已然凡遇祭宗子爲主以上祀先公當致如在之誠而不可忽諸余少事父玉巒公每見長吁之歎請問其何爲父曰吾之所恨乃先君創業之艱難子孫守成之不易家之譜牒昭穆尊卑之序被元季兵燹失傳吾甚恨之未及修撰及余至長尊父命奉師訓稍知禮義故尋問自 高曾祖禰從堂叔伯等始末事蹟皆記錄于冊夙興夜寐心思怨慕廼祖以儒雅出身代代相承不乏其人家譜豈肯失傳不修一旦奮然敦請榕城東里楊思古先生司引鐸東廟生徒彌衆

余嘗設酒殽與先生對酌宄窮重修譜牒敢述序先生答曰甚佳焉禮可興而不可廢爾之獎勸予何言哉非爾之所記譜牒不修後世子孫耳無聞目無見今不可辭矣譜既成序于前序于後如此其詳且備矣然譜牒之修所以繼功烈繼世系論祧遷立宗法誌墓道設祭田分昭穆序長幼廼族之淳風非世所及也假余非族長則此譜無傳矣其譜內善惡興亡之事備載于中宜爾子孫代代相承流傳于後遵守繼續其源流如水之萬派分流悠悠然而不息也永爲昭鑒是爲序

龍集永樂十年甲午春正月吉且次房族長仲餘後序



汕頭昇平路名利軒承印由

塔玉
宗訓

事親敬長皆仁孝之當爲創業開基乃守成之不易恭惟吾祖初由宦族詩禮傳家從仕來潮創居玉塔增廣田園迨今五世矣豈料後裔乖爲弗思先世創業之艱難或荒淫酒色或輸賦不前其不守本分受其所譴而絕嗣者有之可不慎歟余居族長之分授受田地拳拳不失深蒙祖應末歲增置田業今不忘其本旦夕思慕命兩房迭掌以修春秋之祀及其無後者配荐免使無依將本族譜牒昭穆申明纂修勿替其前後二序以昭後世之鑒今特尊守不許互相侵奪日後敢有此等作亂者除告祖宗陰譴外定議衆房取不孝而論罪

族長判翁書


洪
印
旗
譜



汕頭昇平路名利軒承印由

玉塔宗 誥

禮有五典典備而禮樂興家有譜牒牒修而昭穆明雖明昭穆然服有五等之降殺廟有五主之祧遷所謂五世而斬焉余嘗攷之



先祖洪萬二郎公雖錄于九族之圖奈流裔疏遠而不可考矣恭惟我 祖主簿公來仕于潮因兵燹遷潮下揭之西北而居焉置田地創陽居當爲仕之際愛人民積陰隲產下二男松巖松庭派下九遇天明隆平之世子孫繩繩蟄蟄郁郁乎則爲創業始封之君百世不祧之祖松庭公居長派下天地人三房是爲大宗松巖公居次派下禮樂射御書數六房是爲小宗除長房祭田及受田外另設祭田墓田八十頃六房輪返春秋二祀受田五百頃此六房分受及元季大亂家乘仍被兵燹失傳大宗三房多遭兵刃俱絕無派田地消乏松巖公派下長房傳至嫡孫洪原洪亨洪實俱絕樂御數三房亦絕惟射書二房僅存


自前代子孫將田四十頃蕩廢惟存四十石與射書二房追修時祀無缺乃族之宗子爲何絕亡抑將歐氏之祭田小蒸嘗二十頃廢賣而致是歟仲餘忝居族長之分乃 玉巒公之嫡子也雖爲小宗今承其事拳拳而弗失旦夕思慕玉岡公 玉巒公未設祭田祭祀今將本里池塘八所牛耳坑田租四十石與吾子姪仁義禮智信五房輪流追修 玉崗公 玉巒公二祖祀事茲而重修譜牒已成昭穆尊卑可序明誥我子孫世守基業譜牒無失供奉致誠孔子曰祭如在能致其誠則神來格不可不敬又云如臨深淵如履薄冰可不慎哉

族長判翁書

塔玉責子孫懶學書

國家將興必有禎祥國家將亡必有妖孽人家子孫乃好讀書吾家子孫不好讀書好讀書者爲禮義稱賢哲不讀書者不知不識正比河海子行潦比泰山于丘垤行至半途未入于室昔陶令責子不受書而受粟父不責子任其放逸嗚呼予今年老無能陳責日月逝矣哀哉痛切何其遺斯接踵遺失天運無私興亡難必自述云吾祖官族之流興世代於春秋知我者謂我心憂不知我者謂我何求傳誦斯言慎無休傳誦斯言慎無休

族長判翁書



宣城郡祠堂記 金記

祠堂者奉先之所也三代以來未之有也漢室以來始有建祠堂者不過卽墓所爲之宋儒去墓而建於家崇禮而協諸義也自後崇禮之士崇于奉先奉之有道所以嚴祀事而永孝思于無窮也廣東省潮州府揭陽縣洪綿爲其邑望族良胤始祖主簿公來仕于潮後遂居于是迄今數世所有家乘已遭兵火相失永樂甲午春有

府尊判翁公奉請本邑名儒東里楊思古先生修輯譜牒使昭穆燦然鼎建祠堂復別爲一室以安祖宗之靈而爲時思之所具牲醴治粢盛以盡孝祀之心今綿昆季四人克守前業不墜長曰臨次曰綿三曰華四曰美而能繼述先人之志思其祀堂未有以記之者正統庚申夏偕姻友地官陳孟瑤詣余公館徵文以爲記余維是堂經之者久子孫承繼欲後裔念先人建造之勤恐祀事之

不繼于是常于神主妥奉如式敬修祭服祭器爲具甚備庶事咸美春秋祀事以時思之宜祖宗之靈爽來格而來享也堂之扁仍其舊曰宣城蓋以承先人之志而不忘也洪氏祠堂先人之建既久而賢嗣克守其業拳拳弗失余知綿之昆仲能善繼述人罕及之茲可饒以善而淑鄉人欲後嗣志前人之志而敬於其親仁人孝子之用心也自茲以往歲時節且上丘隴而撫松陰登斯堂而奉祀事孝敬之情寧有己乎事死如事生事亡如事存厚于親孰有踰於此也哉洪氏子孫登斯堂讀斯文尙思所以崇祀於其先將見斯堂愈久而不朽也余記之匪徒斯堂興復之美亦以告來者善繼而善述也是爲記

大明正統四年庚申秋七月吉日

承德郎戶部主事新安金宗喜贈

玉塔種德堂記謝記

正統八年春忽姻戚王公士宜雲翰墜下盥手開緘伏讀有云洪氏悠敏其先世乃閩之興化人也宋末來仕于潮之潮陽縣主簿值宋元易位恥事二姓晦迹遜于揭陽縣擇霖田玉塔而家焉多創田業子孫昌盛歷傳五世孫有判翁公者乃悠敏之父也增置產業家道豐盈子有四人而悠敏尚詩禮思前代主簿公有種德之功構堂以祀之扁其額曰種德堂欲使後代子孫相承而知前人之德而不忘也固請予爲之記予讀之者三愕然一驚不敢承諾有頃而再思之人之有善豈可沒乎蓋惟德其義廣其意長如種五谷藝菜之類當擇其地之肥力勤而播之又欲及其時也耰培灌溉非止一日而後五谷蔬菜之物得其養而大有年然種物以難而猶易而種德則易而實難何也德之爲言得也行道而得於心也種之者必拳拳服膺而無造次顛沛之違用心之精亦猶

治物之勤也種之已者既充而澤及於人者自廣則其福之流于後者蓋悠久而無窮焉然則洪氏之子孫繩蟄田業增廣家道殷裕非前人之德厚胡能致後世之如是哉傳曰有德則人土財用相因而生上自天子下至庶民一是皆以德爲本也悠敏氏其知所自來矣

正統八年甲子王正月望日 黃門給事中命潮州府判官同邑謝永撰記

龍甲隴四房譜序

郭序

大凡物之蓄也裕則其發之也永黃河出自崑崙其源百餘泓象若星宿故奔馳浩瀚九折幾萬里神而尊之曰伯小渚細流皆詘焉高岡生松柏沐日浴月本固根深故聳壑昂宵凌霜雪其不改閱歲華其長青而穠李天桃難與伍焉人之推重夫世家也亦若斯焉已矣其我瀛之洪氏族乎夫洪昉于燉煌才名擬謝家之四美瑞紀寧海之三所有鴻功峻德聲施不著至宋眞宗時有諱仁璫者登祥符丙辰進士第從政郎大理寺評事而支派自宋由潮開基肇世則天錫公登宋理宗進士官拜左侍御史生三子長子居晉 江次子 陽初公三 明初公同居海陽上莆都而 陽初公生一子諱統易登元天歷辛未歲進士仕廣州府儒學教授郎而 明初公生四子孟曰 特誠公仲曰 特銘公叔曰 特達公季曰 特愷公 特銘公親授潮州軍衛孟季二公俱邑庠

生叔 特達公雖策名未登于天府而素行已孚于閭里家脩克敦詩書繼美不誠赫赫然登祥申錫之世家也人情保有厥家莫不欲繼序其皇卜年可久然莫爲之前雖美弗彰莫爲之後雖盛弗傳求其源深而流彌長本固而根益茂者不少概見以爲發之不永耶予謂惟蓄之不裕故此莊子云風之積也不厚則其負大翼也無力鵬搏扶搖而上者九萬里背負大翼而後乃令培風而後乃令圖南信斯言也盍聞我洪姓之風而思所爲培者矣予連姻高閥季房爲內子所自出從其所親故叙之獨詳若夫諸姻伯叔昆季子孫咸紹箕裘以詩書爲傳家以名節爲立身英姿輩出蘭桂盈庭其起我洪氏門閭而更高大之以容軒車駟馬豈易蠡測也哉將令筆墨有所不遑想後之人必表彰揚於不諼云余第百世以俟之而已

嘉靖辛丑科賜進士知福建南靖縣知縣十二世裔孫婿郭大鯤時化氏頓首
拜撰

序

龍甲隴洪序

氏族有譜尙矣然世遠年湮紀載闕畧或遷徙靡常遂寢忘其所出者往往有
之憶孚少時從家君每覽姑夫郭公之文未嘗不慨然嘆曰是蓋舉吾洪氏族
之譜而闡之序文誌之譜首俾子若孫輩觸目關心而尊祖睦族之至意油然
而不能自己者乎孚叨登科第屢沐皇恩躬受金馬玉堂之賜此時進思盡忠
退思補過旣而投簪終老解組歸里復憶前所傳譜牒字剝簡敝屈指計之爲
年已久矣及今不修恐徒聽之滅沒不幾掩先人格訓乃蒙伯叔昆季之命披
覽筆削庶世系賴以不墜而愛敬尊睦之至意覺煥然而如新也願子子孫孫
勿替引之爰附短語以跋其後有如此乃賡載歌曰

燉煌肇基

百世本支

才名顯揚

美瑞燕詒

族屬蕃盛

寢昌寢熾

繼繼繩繩

我後佑啟

康熙丙戌科賜進士第翰林院檢討戶部員外郎巳卯科解元裔姪孫晨孚用

貞氏撰

潮安梅溪鄉洪氏重修族譜序

嘗聞家有譜猶國有史史不修則國制沿革無可徵証譜不修則世系紊淆無所稽考我梅溪自開基以來祖宗創業垂統廟宇之建由來已久譜書世系炳若日星迨乙酉海氛蹂躪兵燹遷斥宗祠既經傾圮本支既竄海豐老成凋謝譜書無存先人墳墓不知所之噫言念及此能無木本水源之思春露秋霜之感乎然當此世遠年湮之際欲披羅舊譜何從得矣幸也有冠山遺譜可考焉及操譜而覽之乃知我祖出自宋忠宣公諱皓季子容齋公諱邁之裔因高宗南渡遷於閩漳龍溪生太始祖諱習號太常公行十一郎度宗時舉爲左從事郎妣宜人王氏生二子長原朴公賜進士第奉直大夫次屋山公爲奉訓大夫因官潮擇里分創原朴公創居海邑梅溪鄉一子三孫分列三房屋山公創居澄邑冠山鄉三子分列三房各以始創者爲始祖譜書合一輩序

不差年年春至謁祖後因狂風舟覆斯禮遂廢然而譜存猶知淵源所自也夫梅溪自宋而元而明家聲不振歷八世孫及泉悟泉二公又以科貢起家當是時文學翩翩登進鬻序者不可勝數所結交遊皆當世名宦故縉紳錫匾稱贈亦可見祖功宗德其所以垂裕後昆者流澤孔長也今當雍熙盛世家廟煥彩若不謹記一二將來支分派遠又何所考而續緒焉故錄名號官職所以昭先公之顯榮也陳禴祀蒸嘗所以動子姓之焄蒿也且規條戒嚴使悖逆者凜然有敬畏心世系列定使異派混亂者無由起田產載明使肆橫覬覦不得生此皆敬祖敦宗之至意也雖無補于報本之萬一聊爲繼述之一事云爾是爲序

驪塘洪氏重修族譜序

余嘗讀書至君陳篇曰惟孝友于兄弟施於有政則知家亦固有政也而家之政若何曰明本始察系派序昭穆定尊卑辨親疎以萃離渙以篤親親而所明之察之序之定之辨之俾其離渙萃親親篤者是遵何道也君子曰譜之修卽政之行也夫太初賜姓受氏莫不有所自出邇我洪氏之始原出上古勾龍氏而勾龍氏佐高陽爲后土之官能平九州辨土地之宜以教兆民設祀爲社其子名垂者仕唐虞任共工之官因以爲氏列於諸侯而國於共迨至漢季避仇益水爲洪遷居沙州之燉煌而族始大厥後有支子諱士會者復自燉煌遷居蘇州吳縣閭門至眞宗時有諱仁璫公者登太宗眞宗祥符九年丙辰進士第四名官授從政郎汴京左衛錄事轉承事郎大理寺評事乾興元年緣忤權貴謫知漳州漁村縣卽今之長泰縣也厥邑風俗澆漓鄙吝民多頑梗號爲難治

之邑公榮任催科撫字有術興學校明禮義移風易俗雖縣之跋扈咸畏其威
民之倒懸亦被其澤未及三年無不感德及任滿榮陞潮州通判民乞留之仍
以通判秩署理縣事越十餘世而吾祖天錫公諱伯祥諡裕昆調潮州司理參

軍謹按天錫公据史及郡志所載係泉州晉江縣人任戊午歲從軍援閩至漳州每值泉州人輒詢之均云無訛并謂

公現尚有坊表在晉江城而稽之長泰海澄漳浦等處本家大率皆奉仁遂公為始祖而不載天錫公則為附會無疑

大抵從前海道未達交通不便以訛傳訛易至附誤惟漳泉聯郡清雍正間劃泉州長泰縣歸漳州又劃漳州同安縣

歸泉州或同出江蘇之系亦未可知茲任再三翻閱該譜又以天錫公為仁遂公十八世孫以年計之確不符合

謹照原譜錄之以俟考究不敢擅更易云已任記時福建漳州長泰縣洪山兜為流賊所劫家

衆播遷其徙於茲土者接踵而至編藉於潮而卜宅於海邑之上莆都者則吾

祖裕昆公也而吾潮上莆第一世始祖亦即此是也遠宗金陵近派福漳其後

昆季叔姪相繼而來分居異處如海陽即今之潮安之梅溪東隴隴頭博士林澄

海之冠山岐山池邊潮陽之蛋家旗靈山寺達濠揭邑之豐溪驢浦鳳前窖尾

玉塔港口華美尾等處錯處蕃衍不能詳載姑以我上莆一派稽其詳焉公之
正配陳氏諡溫順毓自閩之名門生三子曰明象公陽初公明初公作述重光
而孫支行立如教授公特誠公特明公特達公特愷公種種芳踪昭昭可考世
德作求其爲奕世培無疆之福也至深且遠矣後來繩繩振振冠裳不替非賴
先世之德又安有此乎然年彌久則祖彌遠遠則易忘支彌分則人彌繁人繁
則易紊君子於是乎謂洪氏之宜有譜也夫吾家之有譜由來久矣兵燹之餘
尙有不實明萬曆三十四年丙午余與修葺時質之文林公所藏司空公所纂
互參見聞合爲一帙系派昭穆經已井然而轉盼間又二十五年於茲矣子孫
繼世瓜瓞綿綿未及登籍族人慮宗派之易渙也宗規之易弛也乃於是歲十
月旣望僉議重修依其舊譜畧加刪補次其世序其系錄其行狀遡我裕昆公
之生年至今修譜之年計四百三十有九自裕昆公之生世抵今廷鑿之世一

十有六其間有徵者書之無徵者缺之有德者詳之非派者削之根枝源流昭若指掌仕隱事跡燦如日星使奕世之下披藉而閱曰某祖我之高曾也某祖我之幾世公也某祖我祖之兄弟也又將曰某祖之孝友可爲吾家型也某祖之文學可爲吾家法也某祖之政績可爲吾家箴也恫然有水木之思勃然起法祖之念豈惟親親既篤九族和睦安先靈於己往起雲祊於將來卽以之塞天地橫日海施諸後世而無瑕疵者皆此物此志也故譜之所以修而政之所以行也余不揣固陋與修譜事敬序數言以志不忘云

大明崇禎三年冬至十三世孫生員符夢薰沐拜書

汕頭三瑞堂創修族譜序文

社會上未嘗無所本也有所本斯有所親有所親乃有所團結有所團結始能演爲社會上種種之事業太古以下已有家族之義卽爲團結之根本部落封建之制亦由家族所推造中古而降家族之義乃大昌明故孔子有齊家治國平天下之學說是知家道不齊則國不治中國自改革政體以來人人有共和之志而求治皆失共和之旨雖農工商賈皆有會黨而紛亂益甚最謬者更有倡廢家族之說其亦不達事體矣豈知國之團結始於一家家家有自治之能力則一國有自治之能力夫如是家族之義寧可不有以廣之乎我洪氏於潮散處各縣雖嘗於清光緒間創建宗祠於揭邑港口鄉然尙未有能於團體之結力自治之精神力求改造民國四年乙卯又建三瑞堂於汕島蓋知非從家族求自治團結不足與人競爭然自昔之渙散驟令萃合其間昭穆猶有紊亂

况其他乎於是修譜之舉又爲衆意之所注重而復俛余董是役余以晚齒兼以空疎曷敢當此第重違衆議勉任其勞計自丁巳至戊午歲先以調查爲入手適值從軍奔馳致前草幾飽於蟲蠹辛酉臘月返自邕寧乃輯前草次爲序文例言家傳世德顯揚墳塋祠宇雜錄諸稿自維謏陋不文不敢云詳云悉而於昭穆之序尊卑之分不無小補至於完善實有冀

我族高明尊長昆仲郢而正之進而教之而余之期於我族者正未有艾也夫昭穆既序則和氣融渾團體固結自茲以後教育實業農工商賈以及社會上種種公益必使不仰助於他人而自治奮拔努力發展凡爲社會害爲家族羞者則謹飭戒省使家族日有榮光則余附驥亦有幸焉至若尊祖敬宗春禴夏禘則前人道之綦詳余不贅述不揣固陋聊弁數言是爲序

中華民國十一年壬戌夏五月三瑞堂五十七世孫己任筱崖氏謹書

倡建汕頭三瑞堂并倡修族譜序

莫爲之前雖美而不彰莫爲之後雖盛而弗傳溯我洪氏 始祖原出上古勾
龍氏佐高陽爲后土之官能平九州辨土地之宜以教兆民設祀爲社其子名
垂者仕唐虞任共工之職因以爲氏列於諸侯而國於共迨漢季避仇益水爲
洪遷居沙州之燉煌而族始大歷唐宋元明以迄前清仕宦蟬聯簪纓鵲起後
先輝映名垂丹青此皆吾族之光非表揚於史冊卽記載於譜系何至聲名泯
滅不傳耶余生也晚才學謏劣因時局變遷強鄰壓境避地而舌耕於鮑江不
自量力乃倡建大宗祠於汕島名曰三瑞堂工程告竣本欲效曾氏遍查洪氏
各省古今名宦事蹟編列昭穆統一姓爲一家務使長幼有序尊卑有倫庶不
致數典而忘祖視同宗如路人無如有志莫逮事與願違爰就族內募捐數百
金特邀族弟已任品學兼優年富力強專司修譜之職其於各省子姓譜系力
既不逮缺焉弗詳僅就吾潮各屬鄉村不憚煩勞遍行搜羅除潮陽之岐北惠
來之沙墩揭陽之玉塔潮安卽海陽之龍甲隴驪塘梅溪等鄉舊有族譜外其

洪氏族譜
餘各鄉或遭兵燹遺失或因蟲魚朽蠹或避地遷徙而無存文獻既不足徵淵源何由分別任弟則調查龕圖木主採訪族派分支搜羅斷簡殘篇探本清源而知其巔末遂使歷代相承貫串一脉名宦之聲名益彰功德之流傳愈遠自丁巳以迄戊午圖稿甫成忽值從軍閩粵奔走於槍林炮雨之場三年於茲差幸吉人天相安然無恙迨辛酉歲暮始返自邕甯余乃勸令息肩續完譜系於是編輯前稿纂舊增新而水源木本同派分支昭然若揭遂成卷帙俾便稽查非敢謂集大成也不過使後人披閱斯譜而知祖先之功德不忘世系之流傳不滅余故曰前雖美而弗彰後雖盛而莫傳至於調查洪氏各省譜系合一姓爲一家之事尤賴我族之富有魄力者担任其職而時至今日又恐爲去姓氏混天下爲大同者所毀笑若夫四時致祭尊祖敬宗以及宗訓宗誥責子孫以惰學等事前人已先詳言無待贅及茲因任弟譜成示余付梓流傳後世聊述原委而爲之序

中華民國十一年壬戌夏五月三瑞堂五十七世孫增貢生開文乃斌氏敬書

家
傳





家傳

二十三世大丁公諱主唐中葉人也祖諱瑀福建省興化府莆田縣人以進士

任潮州府事父諱适仕中書省斷事天寶五年八月初三日生公公生而穎異

才識卓榮及長成進士除郎中加贈朝請大夫任潮州府事勤政惠民甘棠載

詠民不忍公去公亦不忍捨民因見山川之勝創立龜山後遷嘉定岐北遂家

焉貞元七年釋大顛師雲遊入界觀其山川廻環奇秀遂謁公曰老僧欲就檀

樾求袖影地公唯諾師卽登山頂披袈裟影罩數里公知師法力廣大願捨

此地永爲寶坊建置禪堂名靈山寺師與僧覺善爲之主也貞元十三年仍捨

院前田十四頃以充常住因年號名曰貞元庄今時人相傳謂貴山長洪大丁

爲白頭所誑蓋本於此又造泥湄石橋鋪本里石路又立本家祭租二千五百

石坐落貴山都妣夫人童氏生致政公終於寶曆二年丙午二月十五日壽九

十七歲迨後繼繼承承擢高科登顯仕者代不乏人施入靈山者益衆共施田地四千六百畝或刊樑梓或壽貞珉論者咸謂公居官仁愛慈惠博施于民後復廣種福田創建禪院子孫科甲聯登享其利祿者豈非積德食報也哉

二十四世致政公諱璋大丁公之子也生于代宗廣德元年六月初三日幼有大志好學不倦及壯登仕籍順宗朝任袁州分宜縣主簿轉藤州知州官至奉政大夫公晚歲尤喜樂善好捨造婆者徑口路一條開直龜山頭古溪以濟人民剏安田胡仔山一號又剏赤塘山一號終於太和八年十一月初四日壽八十五歲生四子俱官於朝後先輝映瀛州肇基之榮也

二十五世致政公之仲子諱附鳳唐穆宗朝舉鄉薦選山東省清平主簿轉宣化縣尹官秩登仕郎公闢岐南市一所造本里洪使橋一座通岐南市及街路一條刻立石碑存記名曰嘉定岐南市見存路側公生於唐貞元乙酉年七月

十八日終於咸通十一年壽六十六歲

廿五世奮虬公致政公之三子也文宗朝賜進士選韶州通判官至奉憲大夫承直郎嘗捨入靈山寺奉佛南庄竹山庄南婆城庄田地共計一十七頃坐落舉練洋烏等都並潮陽縣北門地一所田坐落臨崑草尾銅鉢孟陳禾波司馬浦華店浮洋大布洋烏州頭和尚寮多年山橋柱內峯外峯白藤溪烏巖海田桑田官橋泉塘洋文等處造渡溪瀟湘橋柴盾刻石存記又蓋岐南路亭一座舖舉練岐石街一條上至牛心塔下至岐南市創立本家輪祭田二頃五十畝坐落嘉定岐南勝等洋神仙鄉壬嶼等洋公生於元和二年丁亥正月初五日終於乾符元年己亥十月廿五日壽七十三歲

必達公漕貢進士也時世漸亂棄官歸林下不求聞達優遊林泉以終天年公亦致政公之子行四云

二十六世惠疇公號伯宣奮虬公之子也生於大中三年癸酉七月初七日終於光化三年庚申六月十四日壽五十歲自幼奮志有爲克承先緒任廣州提管官以循廉著

二十九世月山公諱宗啟後唐明宗朝賜進士選惠州河源縣知縣官至文林

郎原妣安人林氏係曹美林縣尹之女公捨入靈山寺田奉佛並祀朝請公蒸嘗田西壬兩庄九頃畝稅年入一千石又副妣童氏沈氏繼妣莊氏及元妣林氏各有施捨自朝請公以至於茲計共捨田四千六百九十畝又勑立祭田三頃三十畝歲入租谷六百四十石公生於天祐二年乙丑二月初四日終於宋淳化元年庚寅六月二十日壽八十六歲

良瓚自叙三代行狀

卽四十六世曾祖瑗之爲人也性惟剛毅情甚溫裕席祖父之門風怙家資之
豐厚涉濫經史吞吐雲煙書精於人算無遺策配曾祖母鄭氏乃龍井都神山
大池鄭浩然之女孔父孔顓之妹巨族名門互相豪氣以天下無難處之事過
計踰思望濶海豐之荒埔圖致門闌之廣蓄罄移彼縣金錫都之地西鬱一洋
祖經營也設寮賑佃隨山刊木築石爲陂掘陵渡水詎意時運不齊命運多舛
雨水淋漓陂築三年不成田連三載無收家給憔悴復買淡水黃家成熟寮田
土名青螺大竹港又與大戶黃岩互爭致出人命祖父久處囹圄維賴明察以
脫身家亦因之而狼狽至成化十五年復而事卒無成者亦猶後人之所致也
卽四十四世二十二世諱瑄字永華號南峯西湖公之四子娶南陽郭氏生一
男二女男曰加興長女配古丁村莊家次女配銅鉢湖陳家諱盛字邦泰號匹

夫純粹公之子又娶金浦鄭氏生三男長曰欽次曰甯三曰銘其爲人也博通經史天資過人所歎者惟在風月情縱驕奢祖業曾祖蕩費雖無如何而歸宗尙未殆盡贖業返有二三置家迺僅足矣於其時也祖父能收破敗之餘未爲無可恢復之地顧乃馮唐易老李廣難封祖母鄭氏以出金浦鄭巡按之根本大家故族不知修省致家殆盡

卽四十三世二十一世祖謙叟公庚戌年得姻林龍招贅婆林氏將奩田租三百六十斛家資財物罄歸益富外公旣卒無後理將祖婆林氏神主奉祀醮祭庶後子孫不可忘所自遺下長男諱雄二諱源三諱奄

卽四十六世二十四世祖諱瓚號丹田質樸無文有太古之遺風家資苟完無

求於人而自足遺下一男二女男曰玉女一配和平林家無嗣一配後英翁古
涯姑號肫仁遺下五男一女家資置創盡皆有餘子孫相繼數十人墓塋南山
馬處田內子孫豎有石墳在焉外甥女配蘆崗吳

卽四十七世二十五世祖諱玉官名簡重號靜齋性質剛毅家資豐厚擇師儒
以教子避患難以處世遺下一男二女男曰材一女配勝前高改嫁潮陽縣北
門蔡前後二母兄弟三人子孫相繼數十人家資僅美一女配劉家

叔良銘卽四十七世二十五代人也爲靈山大宗宗子號仰臯改號誌永性質
剛毅情甚溫裕席祖父之福蔭守宗家之門風處庭闈以無間待族閭以有爲
承父產田地三頃家給有餘時值萬曆二十四年八月二十七日爲祖爭祭靈

山被神山仔洪理等於本縣及廣東布政使司等處始告忘本滅祭繼告屈極等詞終告究法究庄幸祖先極靈縣府據通都排年蕭成表等庄佃李德本斷令同姓異宗相應依律反坐無奈命運不齊厥後又被潘七等爲姪告討人命屈居囹圄幸對頭干証十死九人無可問結自是隱居閭里藹然有退休之志請師訓兒孫和氣待族里於四十二年甲寅歲與姪崇聖言曰族譜不修散渙無據深可慮也於是同心修譜以紀其誌曷天終不相吉人田業消耗視昔僅三之一然亦可謂中興之叔有功及於祖者後人觀此宜深感德遺下四男長曰璋次日範三日馥四日芝一女配和平劉家外甥名曰劉鴻基

父卽四十八世二十六世人也諱材字光用號東陽其爲人也好學人也質端嚴族間取重聽評義方教子垂裕後裔罔缺剏承田地業產糧米三石有餘時

至中年擇地葬母於南山大石徑處被草尾林林以通剃髮叠告豪强叠祖後
告衝傷三命幸批郭倉官申報老人相贊回呈墳儻鄭日貴葉明供結復蒙知
縣官胡汝甯研審審得父塋母附在林以通祖墳之上而以通不應將洪母墳
鋤破法宜重究但念小民無知姑容輕擬云云至萬曆二拾六年又被東浦村
李紹夔使偽造服藥圖賴人命老人陳老回呈得理本縣知縣官吳萬全恤宥
批准照消厥後又得五鄉人等排年翁繼美等赴縣給帖舉岸首又被山港村
林阿鷺告爭水利批吉安司勘報得伊弟庠生林文岳叔生員光祚暨表兄庠
生林先春和釋三次官司得以脫受苦楚清白無辜家資財物費及一半亦可
謂有爲之父云

叔希隆卽四拾八世二十六世人也號贊松卽良璜長子也志氣高尚棄族閭

而弗居任已見以有爲時至萬曆二拾八年先祖被神山仔洪理爭祭靈山爲
三祖失祀隨赴帶管海防館同知楊可成告理諭令僧道應等收租修祠創亭
蓋碑而歲祭尤未復也至三拾九年又與禹赴告縣爺沈 淙仍復春秋二祭
於本寺斷許先五日到家告知靈山聖蹟於此一伸其所謂善繼人之志善述
人之事者比昔日先人於璜爲尤光矣遺下二男長曰懋華次曰懋懿居住潮
陽縣北門外

叔胤卽四十八世二拾六世人也字光祚號奕芳萬曆己丑歲庠生於萬曆拾
八年與叔璜訟祭靈山訴于太守徐公諭令僧道應等刻碑垂久紀載實在田
地厥後丁酉歲道應等仍復春秋二祭以明其報本之恩靈山聖蹟廟祀血食
自此一伸無迺神山仔洪理等窺見本寺致祭大丁公等三像無分分胙遂謀

梅溪新進士員洪範主持二次卽訴宗子叔良銘并與叔生員先祚於本縣廣東布政司胡爺批仰潮州府潮陽縣查報幸先祖有靈得府太守胡本縣吳研審明決斷令神山仔同姓異宗相應依律反坐亦可謂中興之佐少有功及祖者惜乎無嗣良可嘆息及後裔孫龍於萬曆四拾年六月拾五日告明承故叔生員光祚在案戶眼可查

兄謙卽四十九世二十七世人也號冲字別號素儒廩生俊士珏公玄孫也賦性剛直尊嚴持躬勤儉率家義方教子處庭闈以無間追孝養之克恭設教規而恩及於門徒七都咸悅其教澤值凶年而勸賑有聲閭里樂慶太平矧德行與文學並稱恩功垂竹帛於不朽宜其取青紫如拾芥步蟾宮以占先乃歷七科而名榜不第應歲薦羽化而登仙嗟乎曷天不終相吉人章美陳士傑俱登

甲第門下客也獨奈何吾兄屈於黷序爲也昔田文曰厚積餘藏欲以遺子孫今兄積學積德亦以其萃福後人故也是以長子守祚甲辰科庠生守誥辛卯科遊泮若此者皆吾兄萃福之所致亦吾祖之福蔭也是以英英繼美來日佇看兩鳳之齊鳴雙桂之聯芳搏扶搖上九霄而振家聲者可預卜矣儒遺下四男長曰祚次曰誥三曰官四曰愚祚遺下四男一女長曰濤次曰派三曰澎四曰清誥遺下二男三女長曰浩次曰洋一女配孫家一女配黃家弟聖潮邑學士也重脩族譜而尋其宗支不憚千里遂跋涉而臨海豐欣然悅而序焉

卽四十九世統二十七世達公玄孫也字崇聖號養眞篤志芸窓苦青雲而未遂涉瀆經史繼往聖以開來時值萬曆甲寅歲館居祖家得於宗人言曰宗族大義也譜系不修散渙無據猶可慮者於是承命以紀其誌雖素不攻於文間

亦竊附己意補其闕畧遡其興復盛衰之由代次交替之際錄序於簡一舉目
昭昭可考孔子曰知吾者其惟春秋乎罪吾者其惟春秋乎遺下五男二女長
曰龍次日驚三日蛟四曰鱣五曰鱉一女配蛟塘林家

三十五世天錫公字君疇號裕昆福建泉州晉江縣大御巷人後遷鷓鴣鄉宋
理宗寶慶二年丙戌成進士授廣東司法調潮州司理居官清介是是非非不
可回折勢豪奪民田公白守還之帥方大琮辟真州判官留置幕府改秩知古
田縣舉行鄉飲以敦民風邑素繁劇訟訴猥多公立爲剖決庭無留訟有倚王
邸殺人者論誅不貸調通判建甯府大水開常平倉賑之擢諸司糧科院拜監
察御史兼說書累言天下之患三宦官也小人也外戚也劾董宋臣謝堂厲丈
翁謂三患不除必爲君德累理宗力護之公上疏言作奸犯科根抵盤固陛下

遲回護惜不欲繩以法及勢燄張紀綱愈壞異時禍成雖欲治之不可得矣會
天雨土公奏其異蒙爲不便君子小人道長所致又言蜀中地震浙閩大水上
下困窮遠近怨恫獨貴戚巨闕安享富貴不知陛下獨能與數小人共天下乎
值宋臣奪民田吳大綸等列訴公下其事有司皆謂田屬御莊不當及理公曰
御史職司伸冤抑若中貴得以控之則外內臺可廢猶謂國有綱紀乎乃申劾
宋臣數其惡上又力護之疏至六七上最後請還御史印言雖不果行然終帝
之世閹人不至大竊威福者蓋公有力也御筆改大理少卿遷太常皆不拜改
廣東提點刑獄五辭明年起知潭州兼湖南安撫使至州戢盜賊尊先賢踰年
大治遷直寶謨閣廣東轉運判官召爲秘書監兼侍讀以贖辭升秘閣修撰改
福建轉運使又辭景定元年轉知漳州節制屯戍軍馬援例奏辟幹官一員報
行軍機密文字詔可度宗卽位以侍御史兼侍讀召累辭不許公疏在廷無嚴

憚之士何以寢奸謀遇事無諫諍之臣何以臨大節人物稀疏精采銷要隱隨
惜已者多忘身徇國者少在道並疏所欲對病民五事進工部侍郎兼直學士
院加顯文閣侍制出爲湖南安撫使知潭州改潭州皆力辭又明年改福建安
撫使罷亭戶賣鹽罷協枝貢召爲刑部尙書不起久之晉顯文閣直學士提舉
太平興國宮又力辭踰年晉華文閣直學士尋致仕加端明殿學士疾革草遺
表以規君相上震悼特贈正議大夫諡文毅公言動有準繩居官清介臨事是
非不可折所著有奏議經筵講義通祀輯畧味言發墨陽巖文集凡若干卷

三十六世玉塔鄉

將仕郎主簿公迺玉塔鄉開基之祖也諱初失傳後於康熙六十年有說祠堂
圍有石柱一條孫之麗命往開之大書鳳岡進士洪安定寫八字故疑或爲祖

諱因湮沒不明故假此以顯公在宋時以經學進士授潮陽主簿蒞政以來廉以律己仁以愛民丁元宋鼎革之際元兵追文信國公至嶺表公見事危耻事二姓棄官播遷揭陽擇地而居卜築玉塔開創田產千有餘石以爲子孫耕讀計立蒸田八十石以供歲事之禮公卒乙卯年五月初四日享壽九十妣黃氏李氏云

玉塔鄉三十九世

參簿公諱廣恭字孔陽行十五妣梅崗曲溪吳氏副妣錢岡吳氏公之處世守身謹行時遭變亂與父逃難晦迹於廖家洋而居數年間遷居於城邑適遇達魯花赤答不及來撫本邑擢公爲參簿見其英烈果斷命之掌兵屢有勝捷凱旋賜金帛以彰其功後以賢良官舉不就生二子天亡以弟孔然次子名驥立爲嗣亦無子而亡

玉塔鄉三十九世

巡檢公

諱

廣字孔然行十八妣漁湖鄭氏公有剛勇之性兼有謀畧時答不及

器重之授吉府司巡

檢

領兵哨捕盜賊民人咸服後致仕與兄孔陽共承祖業

公於二月念七夜被賊徒刦殺而亡

玉塔鄉三十八世

玉崗公

諱

朝選字國用時擇婚未定遇潮州府致仕官陳伍奉府檄來是邑履

勘阡陌見公姿容英俊丰采活潑與之問答井然有條由是奇之卽以女許字

未幾卒續絃椒山鄭氏公值明季鼎革之際羣雄爭長歲無甯日縣令聞公有

英烈之名召民兵五百付公掌握有不服者解邑究治人民畏服至癸未歲天

下大亂山海賊寇並起公晦迹漁洲外家而居至四五年海寇又作復藏於妾

族居二年幸遇清室甯一海宇昇平歸於梓里見家室遭兵燹卜於應梅而居
又遷居玉隴三公廟盖又一年自述已懷題念奴嬌一闕於壁云鍾英玉塔好
風流人物豐衣足食豈料世情如此變春南春北大厦千間雕樑畫棟一炬成
塵迹鄉閭冷落門庭生荆棘上下廟貌神祈香火失今日不如昔四壁悄然皆
靜寂惟有寒鴉啼旦夕鬼哭神吟含冤悲積應有回天力奸雄猖獗到底無頭
白是時德化未洽山寇李少作亂鄰封嚮應來攻鄉里公卽携嫡庶並三子逃
居外家詎知至漁湖東洋溪口被賊鋒鏑而亡三子琇齋公亦被戮次子廣琮
公被擄爲奴牧馬適遇魯花赤答不及來撫縣起兵討賊賊潰廣琮公始脫虎
口耳

玉塔鄉三十九世

玉巒公玉崗公中子也諱廣琮字孔明昆仲二人弟琇齋被賊所殺賊首李少

擄公爲牧馬幸伯父平湖公訴冤報仇始脫虎口公性質樸實守己安分不入城府一毫無洩爲與伯父同居得妣鄭氏爲內助時祖業多被叔父國佐等所佔及公狀欲虞芮之角諸叔父悔悟盡還其所侵妣鄭氏能守婦道無非無儀惟中饋是議北堂是居遇盛暑隆冬衣裳整飭舅姑雖先逝自守歲事敬奉如存內外宗戚均無間言誠巾幗中之罕覩者也

玉塔鄉四十世

判翁公玉巒公長子也秉性聰敏爲人特達幼年好音樂及長從南塘蕭希賢先生遊會名儒碩士講論經史居仁由義一時號族中白眉每思服兄彥德一

家三人被同里賊徒林武殺戮又思曾祖松岩公之墓元季亦被林武之祖林友成所毀因自慨歎曰齊桓尙能報九世之仇今我曾祖及服兄仇而不報異日有何面目見祖宗於泉下乎是時將林武告獲本邑下獄林武父兄懼罪時以蹇赴憲司妄訴將服兄與公並羅郎提問解京幽于囹圄將及三載是時子幼幸妻黃氏逕赴京師擊鼓陳情訴冤憲台烏府得將林武腰斬從者林鰲帖充軍時家中被糧差苛累弟友彰不得已將田業廢棄一半公得祖宗靈佑赦免而歸有興復之志承繼箕裘克紹舊業求明師益友以訓子孫編修族譜傳宗立嗣購置祭田以廣輪奐凡冠婚喪祭一依文公家禮而行邑人蔡善知其詳舉爲鄉耆凡有爭訟曲直者命公爲剖判因號判翁凡遇鄉飲酒禮邑庠教諭速公爲賓其弟早喪弟婦改節令三子繼爲嗣自是以來庭無間言鄉有善俗府憲給文許霖田都西北二坑等處山陵一百六十餘峯歸公掌管邑令送

區撰公行實著判翁號說以贈云妣黃氏號睦恭自其于歸能守婦道母儀無虧和陸宗戚及遭家難不憚萬里之勞擊九重之鼓訴君子之冤可謂女中之丈夫矣

玉塔鄉四十五世

應聘公稠山公長子也字尙迎號槐庭自幼有志仕宦閉戶潛修朝乾夕惕不憚雪窻螢火之勞日征月邁勿懈刺服懸樑之瘁故乾坤不負窮經之士一日朱衣暗點芹藻可采未幾赴鄉闈房考何公卽取中式后選南康府建昌縣知縣蒞任以來臨民以莊持躬以廉非保民如赤乎民有賦歛不給公則捐廉以滿其課羣黎百姓歌樂只者盡一邑頌孔邇者徧四境噫自主簿公種德至斯雖列祖亦有功德可紀猶莫如此公之光前裕後者也公後守制回家訓子孫

族戚遵五教勤四業安分守己毋以強凌弱毋以貴欺賤辭受則準乎義動作皆繩以禮公之持已既清故其受業亦薄同榜海剛峰知其氣慨似冰屢舉薦公卒養親不赴盡愛日以終老鄉閭焉

玉塔鄉四十八世

鎮南公居易公之子也諱仕顯字世民得本里陳氏爲內助公自脫胎二十日而母氏逝家甚清淡志在青雲從師受業發憤忘食年十七卽爲人師善誘而嚴肅族親鄉戚謁從者甚衆詩書淹貫錦心綉口雖不獲雋命使然也伯叔知公能書熟算以戶籍付理公卽使門戶燦然爲十排中傑造黃冊當里役俱各四屆都邑咸稱譽之嗣潘應龍舉十鄉排述公之德行報之邑令令任公以鄉約長公再三辭不獲於是每朔日集都人士拜萬壽牌讀六言條條有理人人

悅服年邁歸隱築室園外飲泉賦詩教兒孫以道接人以禮待人以恕敦宗厚
倫樂善好施然常歎曰祖自六世譜牒修成以來無有續之者於是訪舊老旁
求名字及竣事未週一月溘然而逝樂天知命其是之謂乎妣德性純和勤儉
善事舅姑致孝祖先和睦妯娌甘守清貧和氣柔聲顏色不變嗚呼此所謂善
相夫子者乎

玉塔鄉五十二世烈女姑

姑東莞訓導之麗公之長女也受聘於仙槎楊性靜行潔凜懿範于深閨彬彬
有禮遵母儀於內閫拳拳服膺德協坤貞得兩間之正氣行敦壺範昭百代之
綱常意圖守十年待字之貞慶百歲齊眉之好詎知迨冰未判竟爾離鸞誓九
死而未能獨嗟鶴立自忖繼嗣無人殉夫何益因顧謂其妹曰姊志已決欲往

楊門守節願乞我妹一子以繼我嗣妹既允諾卽日登車過門服守終制奉事
舅姑孝過唐氏鞠養孤兒賢同修母自十九歲至五十三歲彌久彌堅益貞益
烈不聞絲毫或苟時紳耆人士咸相稱羨具呈邑侯以旌其德縣令卽爲轉申
督院具奏奉 旨欽賜豎坊旌表顏曰比翼朝天四字表揚貞烈芳名備載于
縣誌迨姑臨終嘗援詩云如臨深淵如履薄冰而今而後吾知免夫言畢而逝
壽六十有五亦樂子謹記姪孫道亨續詩一首以贈之云凜凜冰霜節青青松
柏心馨香留萬古女史有徽音蓋春樹烟寒秋江楓冷此心唯鬼神可鑒自古
貞烈殆難其人也採季蘭餘韻搜彤管遺箴不能摘藻揚芳傳其盛節聊吟四
句以備家乘之採焉并記


玉塔鄉五十三世

常輝公巨苑公之仲子也質魯而好學心巧而多能人間技藝莫不好而習玩之或放懷于詩詞歌賦或陶情于棋畫琴書一日閒庭靜坐尋思古今生人莫不有名號字諡而亦莫不有義于是援筆作命名序其詞曰人得天地正氣者大樂也得詩書至味者真樂也而不但此也右軍之樂得於書王維之樂得於畫青蓮之樂在酒子美之樂在詩余自賦性以來氣質魯鈍書法未諳朝夕不離兔穎丹青初學濃淡常潑花箋飲酒雖無百斛稱量而嗜吟詩卽不千言遇物必咏大樂真樂未之逮也晉唐諸子之樂切有志焉以故玩古物于案頭剪奇花於階砌採藥讀書觀山玩水吟風弄月是亦樂也因自名曰亦樂子言未畢忽有客進而笑曰塵事無關世利不染陶情于詩酒書畫騁懷于山水風月此騷人逸士之所爲也雖李杜復生二王再作何多讓焉亦樂子曰若比古人

則余豈敢願進而教之勿嗤余之迂

玉塔鄉五十四世

道亨公國慶公次子也性靜情逸輕資財重友誼好善惡惡克儉能忍勤苦其力不煩累于人誠實其心無愧忤于己憂人之憂樂人之樂質雖魯鈍但能焚膏繼晷書未精通故每寢則晝被窮經累年屢困場屋因吟詩一首云陽和不散窮途恨霄漢常懸捧日心獻賦十年猶未遇羞將白髮對華簪遂不應試以設帳培育菁莪娛樂終歲凡值心境開豁之日或詩詞或歌賦春花則遊芳草秋月則詠蟾圓嗣後續修譜牒以傳來世其述己志一首有云生平耽讀數行書外利浮名好是餘律己未嘗違矩矱存心直欲絕塵污不愁繼世田園少惟患持身學業虛清况悠悠人莫識恬然自守一寒儒亦足以見志云



西溝鄉五十四世 移住潮安城

竹里公諱治平字晏如明川公之子也賦性穎慧六歲就學過目成誦遠近有神童之稱八歲時值明川公遠出設帳祖母許氏被本鄉強房侮辱致涉訟公親赴訊質縣令深爲詫異勸令強房受罰息爭事遂寢由是族衆親友咸器重之十八歲補弟子員弱冠食餼自是屢試鄉闈均不獲售公素最講理性於策論古學更擅其長遠近負笈相從多知名之士如莊午渠李晴溪諸先生尤係總角受業平生不入公門不問地方事除課徒脯修外餘無所獲晏如也自幼襟懷宏遠抱負不凡知入股束縛人材并憤清室自海禁開後外交失敗喪辱國體引爲大辱深恥每歎曰舊政因循百事廢弛文武恬嬉亡無日矣我以一儒生蟄處草野不得與執政者同事改革挽回狂瀾誠憾事也嗣甲寅歲潮屬土匪吳忠恕等倡亂圍郡公與守令紳耆協辦團練登陴巡守晨昏勞瘁迨大

軍援至土匪救平郡中得無損失者公實有力焉同治間中法教案京師震動
飭派王大臣與法人議欵公議倡義師勤王禦外以保國威有陳東伏闕上書
之概卒以政府懦弱地方官吏反以公爲多事幾及禍公毫不以爲意此皆積
學養氣之功也公以庚申恩科薦銓選教諭卒不仕一生於宗族最厚與衆倡
建揭邑港口大宗祠公胞弟策臣公諱治安邑庠生學問亦淹博公原配張氏
繼詹氏均克內相副謝氏亦溫良恭儉子三長鏡洲公諱際清邑庠生張氏出
次秋澗公諱際澄詹氏出三晴嵐謝氏出母子尙康健女六均適士人公享壽
六十九歲墓塋郡北鳳栖孝禪庵左側山上

附錄張霽嵐先生題詞

先生一代之畸人華髮朱顏面目眞文采風流今已矣猶見當年舊精神憶昔

海氛迷曉日先生伸眉奮袂出大義一伸三百人大學堂前身表率南華弟子
亦豪雄宛作砥柱狂瀾中至今蠻荒皆斂跡都歸先生陶淑功節義文章世
莫比聞風百世亦興起我本庾斯學尹他未及親承鄭孺子雖然淵源不可誣
授受豈必一堂俱寄語後生諸小子我道奉此爲規模

竹里太夫子大人玉照

又門生張霽嵐拜題

五十五世

秋澗公諱際澄竹里公之仲子也幼亦聰穎好學十八歲議婚巫氏媽十九歲
尙未迎娶遽以疾終巫氏痛不欲生過門治喪將以身殉繼念舅翁在堂乃日
奉高堂夜治針繡盡孝盡敬和睦妯娌茹茶嘗藥備極苦辛雖柏舟晝荻實無
以過之而性尤好善樂施遇貧窮者無不量力賑恤嘗一日遇乞丐狀極窘叩

其故據云原籍曉平黃岡人來郡作工因病乏醫藥不能行步又缺川資不得已沿途行丐因詢川資須若干曰不過一千文遂慨然與之俾得回梓後該丐每歲來郡必到家問候起居又性戒殺生物每逢壽辰子孫設席延客則曰我之生日寧忍致物於死如必宴客非素菜不可乃從之此其仁慈之最著者也巫氏媽終於清末辛亥年十一月享壽六十 崇祀郡北節孝祠云

世德



世

壽



洪氏捨田碑 岐北

潮陽縣嘉定岐洪君諱宗啟素奉佛者室中孺人莊氏大姐法名妙道忽一日念先祖官朝請大夫洪公及孫通判奮虬公於靈山寺西廡已造羅漢堂一座施捨田地山塘共一十七頃種三千一十伍石爲寺常住夫君洪知縣公於廣順二年復建韓堂壹座祖祠壹所仍撥施已田及前室安人林氏四姐奩田三頃五十畝種六十八斛仍又撥施四房蒸嘗田爲祖香燈該九頃種四百五十斛又得夫弟洪百三嫂吳定山女萬一吳氏奩田三頃種六十三斛三斗捨施田地坐落桂山舉練洋烏等都等團計收租谷二千五百二十伍斛及葬祖婆三十沈氏十五莊氏等墳坐落泮水團大小雲落大小石碑十二坑等處山林每年共收租稅七百一十斛六斗妙道莊氏仍發善心喜捨奩田一頃五十畝種七十四斛專供衆僧齋粥畝數田段皆親書批與簿載產稅諸房共知知縣

公於淳化元年庚寅陸月二十日棄捐人世先祖通判公於乾符六年己亥歲十月廿五日故妙道爲見世錄虛幻生死無定深慮後之主事者交替不常恐有漏落遂與當代住持空山長老商量立碑昭示綿遠永爲千古常住余一日與莆中方相公南遊道過靈山拜顛師遺像謁空山長老從事數日賦詩以別臨行寺之知事僧德一出示洪氏原捨各團田頃稅租批券請記其事余失身墜世萬慮徂灰拱手良人之至則何敢已焉故書前之事端刻碑爲洪氏生生世世子子孫孫福田使洪氏祖宗香燈與顛師香燈光明誠大豈小補哉

宋淳化伍年甲午歲伍月望日天下懶人鄭洩書

洪氏捨田之記

岐北

夫靈山之始迺唐大顛禪師由龍川羅浮瀑布巖旋入潮陽界內貞元七年辛未歲遊于縣西幽嶺之下觀其山水勝處遂求檀樾朝請大夫洪公諱大丁許地數里創立禪寺名曰靈山闢開院前不徵糧田二頃畝以爲院香燈貞元十三年丁丑歲公知顛師神異仍發善心又施院前福田一十二頃播種六百斛號爲貞元庄大中六年壬申歲乃孫進士通判洪公諱奮虬念先祖感昌黎韓公與顛師留衣爲別示寂之雅續捨滅水洋烏舉練等團田地坐落南婆城竹山庄共計一十七頃播種八百五十斛乾祐二年己酉歲立孫進士知縣洪公諱宗啟同緣孺人莊氏素好奉佛又捨赤窖庄奩田一頃五十畝播種七十斛抽已資財於院西廡建立韓堂一座祖祠一所仍將先祖朝請公所置西壬二庄蒸嘗田地九頃播種四百五十斛及塋祖婆三十沈氏十五莊氏等墓坐落

減水團大小雲落大小石陂十二坑洪家嶺等處聯匪山林遞年收租七百石
前室安人林氏奩田俱帶糧米撥入本院永爲常住僧流傳管業歷代追修洪
氏祠內遺像春秋忌諱奉祀韓公禮節佛祖香燈十方僧祐週知不幸朝請大
夫洪公寶曆二年丙午歲二月十五日棄捐人世通判洪公於乾符六年己亥
歲十月二十五日忽躡南柯知縣洪公於淳化元年庚寅歲六月二拾日夢中
作古孺人莊氏於咸平二年己亥歲五月初一日逝世今桂庭順昌旣爲當山
住持搜訪前代覺照二師傅立碑梓方知顛師壁記之實當念洪氏施捨之功
深慮歲久湮淪遂將洪氏原捨各團田地頃畝種稅批券立碑昭示俾將來者
有所觀感其情也哉

大元至正六年丙戌歲九月朔日將仕郎潮州路潮陽縣

主簿兼縣尉曾仕魯謹題

重脩洪氏施主祠堂記

靈山大顛禪寺西有留衣亭北有洪氏祠堂祀施主朝請大夫洪公大丁及其孫兩進士奮虬宗啟之神所以崇其功而隆其報與山門相爲悠久者夫古人一飯之德必償况膏腴壤地歲入數千先後喜捨則業之所存禮也義也夫自佛教入中國王公大人瞻望捨施惟恐弗及一時天下人心向慕佛名而不得見時則嘉定岐洪公大丁富貴甲郡親見顛師之廣慧眞覺神異靈應與州牧伯韓公以吏部侍郎之重望著惡溪驅鱷之神功者且三書珍致留衣示別雅敬重之此朝請所以樂於先捨袖影之區靈光普奠辟田二頃糧役不徵貞元十三年丁丑歲繼捨一十二頃因以名庄大中六年壬申歲乃孫進士通判諱奮虬者念先功而感靈貺仰韓德思襲其休南婆城庄竹山庄田畝幾二千樂於繼捨則所捨者比朝請倍之乾祐二年己酉立孫進士知縣諱宗者啟喜奕

葉之重光樂福田之廣種朝請祭田西壬二庄計畝九頃祖妣墓所雲落石陂
歲入七百前室安人林氏繼室孺人莊氏先後奩田悉已捨入常住益充又捐
資創韓祠一區銘韓公枉顧留衣之雅祖祠一區誌先後歷捨寺田之功則所
捨者比別駕又倍差而有光焉是皆出於一己之贏而樂成勝槩之盛顛師生
既感其惠化則歆其德衣鉢相傳者群以食其功益斯振蟄者宜以享其報此
施主祠堂之所以當建而洪氏子孫之所以當重也然自建祠以來興廢不一
碑碣寡傳一見於至正之丙戌六年有縣尉曾仕魯公之筆題乃善覺清照之
梓記成于桂庭順昌之立石而不紀其年蓋歲久傾頽主寺事者又非善覺清
照之比故竹山庄田爲勢豪所奪後得洪裔孫訴於官 則弘治十五歲也今
搢紳族人慮祖功之寢微恐後來者之忘本因此重而脩之堂宇翼然祖像儼
爾備刻先人所捨之業并具歲入之數于碑陰其亦思列祖之功而興起者屬

余爲之記余因思古人之樂捨以大護國開善之休而每慨今人之貪橫敢作慢神滅天之惡侵顛師之業而奪其租亂度人之牒而贖其貨伐手植之菓木而晦其靈區殊不知顛師雖羽化而舌鏡尤存能鑑能籲於冥冥可畏也哉然則洪氏之子孫繼登甲第曆官郡邑距今幾千年矣族屬繁衍獲福永康者豈非享神之報也哉自筆是碑者宜有所觀感豈特洪氏捨田哉
大明正德十六年辛巳歲五月穀旦

鄉貢進士文林郎知縣雲隴居士李朝會撰

住持僧惠和

清贊

立石

碑陰捨田記

始祖朝請大夫洪公

一捨寺場靈區內墾不徵糧田二頃畝歲入租四百石永爲香燈

東至分水


嶺 西至塔口山 南至赤竹徑 北至長坑一捨寺前貞元庄田地一十二

頃帶糧米九十五石歲收租谷二千石 坐落福田新橋

三世祖進士通判公

一捨南庄田地五頃十五畝帶糧三十七石歲入稅谷八百石坐落舉練洋烏
等都土名駕隴龜山臨崑草尾銅鉢湖陳和陂司馬浦下店浮洋大布洋烏州
渡頭縣廓北門外地一號

一捨竹山庄田地五頃畝帶糧三十五石歲入租八百石坐落竹山都竹山內
峯外峯白籐溪烏岩海田桑田官橋泉塘洋文



一捨南漣城庄田地七頃帶糧四十九石歲入租九百石坐落泅水都和尙寮
多年山庵鷄膾石橋柱

七世祖進士知縣公

一捨朝請公蒸管西壬二庄田地九頃帶糧六十三石歲入租二千貳百石

坐落貴山都嘉定岐潮尾壬嶼下淋塔口新陂赤寮東寮下隴安垵尾大坑并
琢石山一號

一捨祖妣三十沈氏十五莊氏墓所山林及林氏奩田三頃九十畝帶糧壹十
八石歲收租七百石 坐落泅水都大雲落小雲落大石陂小石陂洪家嶺

一孺人莊氏自捨赤窰庄奩田壹頃五十畝帶糧壹十石五斗歲收租二百石
坐落黃坑增塘赤窰典竹洋尾牛輓坑香燈山白雲山浦共捨田地七庄計四
千五百九十畝帶糧二百壹十石五斗歲入租谷六千九百石香燈田二頃量

出田九十壹畝六分伍厘五毫

貞元庄田地五頃伍拾畝 丈出田捌十畝三分伍厘七毫

竹山庄田地頃 丈出田伍十三畝六分三厘捌毫

南婆城庄田地柒頃 丈出田壹十伍畝貳分

西壬式庄田地共壹十貳頃九十畝丈出田三拾貳畝貳分

赤窖庄田地壹頃伍拾畝丈出田地共八頃壹拾壹畝六分柒厘柒毫



重修靈山護國開善禪寺記

縣治西行伍拾里望之蔚然而深秀者靈山也梵宇森嚴儼然而可觀者靈山護國禪寺也寺創於李唐貞元七年辛未而大顛爲之主也寺之西偏有亭翼然前朝刺史韓昌黎來訪顛師留衣爲別之所也若夫膏腴萬頃歲入數千皆由朝請大夫洪公大丁其孫兩進士奮虬宗啟喜捨之功也荔枝千株寺中之常產也珍重三書膾炙人口亭中之碑碣也茲寺茲亭之美是可興而不可廢也自唐而宋而元我不知幾廢而幾興也迨我太祖國朝曆年永久風雨侵尋門廡殿宇日暫傾圮是不可支也正統改元之甲子一興於義民蕭正四者止一顛師之堂而已而工程浩繁三迦之殿未之及也景泰以來一興於義官莊懋者僅一儀門而已而先賢遺蹟留衣之亭未之遑也香煙未滅人心好善我姑夫蕭公曰景獻者乃市大木乃商良工謀於住持僧德輝檀樾施主洪智理

而肇工於天順甲申越三年丁亥而三迦殿成又三年庚寅而留衣亭成與之同事者耆民劉琪勇與公之侄蕭瑄也又六年內丙申朔豎昌黎之像揭留衣之廟視昔而有光誰倡其始眉山陳公瑄也誰要其終莆田吳公穀也二公皆由進士而宰潮陽先後皆游於茲陳公憫前工之費遂命公以修葺之吳公喜其工之成遂命公以文飾之此廢者之所以興也蕭公能興衆人所未興之功是宜勒諸石以垂不朽也

大明成化十二年十二月十五日記

賜進士出身泉州府推官邑人柯漢撰文
賜進士出身潮陽縣莆田吳穀書

潮陽縣主簿袁亮篆

岐北宗祠祠銘

莆田發蹟 涵頭舊基 溯我鼻祖 慨慷好施

靈山創建 我祖出資 三千租穀 勒石銘碑

大夫三世 桂林一枝 迨我國朝 嘉林孝思


解元啟慶 闕閱增楣 欲修祖宇 念茲在茲

素志未遂 與世長辭 幸及苗裔 興起維持

作廟奕奕 靈爽憑依 以妥以侑 俎豆萬年

時同治癸亥年桂月穀旦

鄉進士宗姪孫濤題



舊譜讚詩神仙鄉

系出莆田家道昌

居今歷溯實非常

煌煌祖德乾坤大

叠叠簪纓日月光


德布靈山聲價重

功昭唐代姓名香

佇看賢裔紹前烈

有日重光慶發祥

大清乾隆三十五年二月吉旦二十九世孫歲進士繩武拜書



仙陂仔鄉二十九世靜山祖雙壽文

奉贈

文學靜山洪社翁偕元配孺人七十一雙壽序

五嶺以南潮陽靈山於廣輿紀一勝概予嘗過棉遊覽見夫谷幽木茂留衣亭
上昌黎贈答流傳千古其間寶刹輝煌福田廣滿考 志乘 稽譜牒知爲天

寶黃甲工部正郎 大丁先生三世孫名進士 諱奮虬之善信所貽至今積善

之慶子孫森盛棉之仙陂卽其支派也予自習舉業卽稔聞令兄孝廉芝山君
爲時名杰而 二瞻卓翁上公車則相望車塵馬跡間時復聚首韓江握手談

謹熟識 靜山翁乃二瞻翁令姪爲吾家門楣迨後予出宰壽昌旋膺銓部十

餘載歸來炙翁德範心甚儀之茲歲葭月望後二日翁偕孺人年邁古稀春秋
高矣族里姻婭製錦稱觴遠函懿行前徵予言予不文惟道其實焉可哉翁賦



性淑靜言笑不苟天資穎敏早蜚序下惟攻苦弗倦其勤僉謂繩祖武以揚祖休不僅一諸生已也甲寅以來浮沉滄桑耆年達德爲衆推重疊任邑侯擢舉約正以綱紀一方定等均派排難解紛遠邇無不平之歎都里解繁苦之嗟者皆翁力也至於孝友居心仁讓率俗所云施於有政者翁豈有愧於前人哉抑聞之匡稚圭云福之興無不本家室翁之受多祉來休澤蓋內懋贊焉翁配孺人爲我叔祖戶部員外郎守民公姪孫女家訓夙嫻徽音素著有樛木雞鳴風方其佐順椿萱朝夕溫清敬供罔懈考終大事悉心竭力勿之有悔上而力創祖宗蒸嘗仔肩重任不計推彼此晚而經營考妣域地孤掌獨鳴不推煩叔季其治家政底於盛矣今邁絳縣之甲子現何姑之六毫世之耇成賢媛孰有逾翁與孺人哉茲辰之登堂揚錦袒韡稱觴顧盼庭幃伍桂傳香繞膝孫曾蘭森玉立不亦可愉快而酌大斗矣乎由此而前摩羈銅狄劈天廚麟脯將案

舉梁孟藕嘉寵公進難老之觴膺雙

綸之錫爲盛世人瑞斯跂而竢之是爲序

康熙歲次丁丑葭月吉日

賜進士出身 誥授奉直大夫吏部清吏司員外郎前稽勳清司員外郎主事

康熙庚午年 欽差湖廣鄉試主考浙江鄉試文武兩闈同考世愚弟劉仁宣


頓首拜譔



吏部	吏部	吏部	兵部	兵部	吏部	吏部	歲貢	恩選	兵部	吏部	吏部	吏部
揀選	揀選	揀選	候選	候選	揀選	揀選	士	貢	候選	揀選	揀選	揀選
舉人	知縣	知縣	舉人	知縣	舉人	舉人			舉人	知縣	知縣	知縣
	舉人	舉人		舉人	知縣	知縣				舉人	舉人	舉人

周澄	張洪	張綱	鄭嶽	曾文楨	姚進	張問達	姚喜臣	盧廷賦	葛榮之	徐韓	陳廷琦
----	----	----	----	-----	----	-----	-----	-----	-----	----	-----

同拜贈



仙陂鄉錦幃壽文卅二世茂榮祖妣

恭祝

太閩範卽榮壽媪母蔡孺人百秩榮壽序

余自上己春叨登一甲承乏史館於前史所載凡賢媛之歷艱辛秉貞操者莫不肅然起敬謂其足爲人倫樹風聲也迺綜而計之其人之膺多福而享遐齡者尤什得八九可知松栢之姿閱霜逾茂金石之質歷久益堅物誠有之人亦宜然茲於吾宗媪蔡孺人見之焉歲壬申余給假言旋粵之棉邑仙陂族人來賀且以明年春都人士僉製錦爲孺人慶百壽之觴屬余序以榮之余旣詢其懿行乃欣然把穎陳其大概焉孺人系出谷饒望族歸茂榮叔翁大唐工部尙書大丁公後進士奮虬公宗啟公裔孫也孺人相之敬戒備至奉舅姑以孝處妯娌以和他如蘋蘩酒醴之大米薪井臼之微無不措置咸宜得闔室之歡心

無何年逾三十叔翁溘然長逝遺藐孤子三襁褓女二莞莞相依孺人乃矢志
柏舟茹霜餐雪惟冀其子之成立也既而遭家不造冢君無祿孺人獨綜家計
謀饗殮辛勤拮据惟有歷年迨長孫克成家業次季嗣君且創且守丕業因以
式廓孺人猶恐其懈慢踰檢朝夕訓以義方而以儉居家者復以勤率衆或至
夜分猶聞機杼刀尺聲時人謂其有文伯母遺風焉夫孺人孝敬如此宜壽者
一苦節如此宜壽者二服勤不倦如此宜壽者三則茲之享期願爲盛世人瑞
豈偶然哉迄今善氣衍作休祥仁心蒸爲戩穀孫曾庭立麟趾振螽斯繁異日
光耀門閭聖天子褒綸寵錫俾之建坊以揚輝於彤管則孺人之壽身不且有
壽世者在歟余固弗獲躋堂稱觴惟以聞諸族老者書以贈焉諸親友倘以
余言爲然乎敢以弁諸錦端

嘉慶十八年歲次癸酉春月吉日

賜進士及第己巳 恩科殿狀元翰林院修撰加一級宗愚姪瑩頓首

賜進士第署日講起居注官翰林院檢討加三級宗愚姪占銓頓首拜書

工部員外郎虞衡司行走兼營司戊辰舉人宗愚姪福田頓首拜篆

吏部揀選知縣癸酉科第一名舉人宗愚姪遇春頓首拜贈

仙陂鄉卅一世德萬祖壽帳序

大儲壽大碩望德萬老宗兄暨原配孺人張太君百壽稱觴之慶

人生百歲日期頤此固古今之期望而頤養太和者也至於箕裘克紹人皆延年有慶此非累世積善未易語此 德萬老宗兄族屬蕃盛聚居潮郡棉邑桂

山都其本望係八閩興化莆田余以 覃恩授廣東潮州府惠來縣事以宗誼

故嘗履其地訪其人聚居都里式廓宏大其郊塍刻縷疆場綺棼其人多龐眉

皓首有 恩賜壽官兄弟俱臻耆年其乃考 德萬公厥妣張太孺人俱已年

臻百齡溯厥先世多從科甲出身 始祖大丁公賜進士官潮加贈朝請大夫
官績廣被卽如龍山寺惠施田廛三千餘畝足見澤民之心歷代承繼多體先
世慈祥聲稱不沒厥妣出自名門乃名賢之裔孫以宗誼故訪得其詳余曰是
眞可以光屏幃矣夫以自古難得之年而一家中父子兄弟有此蒼松翠栢一
見令人歎羨非積累之厚何以有如此因詢厥爲人其人一生燮行難以枚舉
大抵以忠厚爲主孝於親友於昆弟九族之內和睦無忤外戚之交誠實不誣
至於同類之間不失其爲中孚以相待也有所告難於吾者則皆有以解之此
所爲繼繼承承五男二女昌熾日盛而福履綏之將若此其敦厚也而孺人者
在在體厥偕老志是眞克循乎男孝女順古之人所爲表厥宅里樹之風聲者
其卽在於斯人歟欣逢 聖天子羞耆尙齒不愧虞夏商周之世此固肉帛之
所爲重膺而階礧之間長享福履之慶也異日者

龍章鳳詒輝煌累代蘭芳桂蕊光耀堦前所謂萊彩悅親者子子孫孫具見興隆之不替豈特潮邑之光且將有輝于興化莆田之本望也以是爲序

乾隆五十四年歲次己酉臘月穀旦

賜進士出身翰林院庶吉士加二級 覃恩勅授文林郎知廣東潮州府惠來縣縣事充己卯乙酉兩科同考試官加三級紀錄四次又記大功七次宗愚弟其哲頓首拜撰

驪塘鄉輔臣翁行樂圖讚

噫嘻此吾 明經四兄之令儀一家雅誼素行深知少隨父兄輟舉業而操籌入市長肩家政承統緒而式廓丕基年未耳順跡遠外馳松軒高廠琴書自怡渴時點茶可人解意興來垂釣童稚遊戲人生行樂耳須富貴於何時翁則曰非吾所素期蓋期孫子成名書香繼起庶樂此而不疲

恩進士宗愚弟治平撰


東林頭鄉

七世祖念韜公像讚

恭題

勅贈修職郎八十七壽耆德 念翁老叔台像讚豐碩其容寬大其服側身修
 行望重里族舒嘯邀於林臬戢羽儀於鴻陸百忍齊家一經貽穀披草萊而增
 輝堂構課子孫以奮跡夔塾但見星聚太邱之野籌添東海之屋享松齡兮瓜
 棗紛羅繞鶴膝兮桂蘭森穆迄今誥命褒封恩榮寵渥冠服如生班班郁郁捧
 茲丹青又見 我叔之綿多福而膺百祿

翰林院 檢 討加一二級同安愚姪世澤頓首拜撰



玉塔鄉梅軒樂士公號說

兵科給事陳鏐撰

榕邑霖田都玉塔洪氏字悠燦梅軒樂士其號也其爲人志和而氣方言溫而
行恭怡怡雍睦以處閭里矯矯信義以結四海審擇交遊而切切惔惔友愛兄
弟而怡怡和悅所尙者其在梅乎體兄長愛松次兄愛竹皆尙古賢人之好同
其情趣同其隱逸遂標其志自號曰梅軒樂士其義未釋海邑龍士文郭允雄
造館爰請爲文以表梅軒之義余推允雄輩端也其取友必端故弗辭而爲之
解云梅之爲物堅且實當天地嚴凝之候羣芳剝落之時獨存生意破玉蕊於
霜雪之中逞孤操於溪橋之畔獨占春先萬芳却讓一段香味疏影橫斜而水
清淺暗香浮動而月黃昏于斯之際公則倚杖向幽香而興歌詠對芳樹而酌
清泉恬然自如是誰能及之而公之志殆與孤山和靖同其好尙回視蓮之愛
於周子竹之愛于王猶菊之愛于彭澤者其情同其趣同其隱逸又同所謂大

夫松君子竹賢人梅之稱然歟然梅不曰他而曰梅軒者豈非取於梅之發生於軒而取之義乎又豈非兄弟號松竹梅蘭法天地四時發生之意而取之乎所向既同古今人大不相反後子孫繩蟄襲美揚芳播萬代之芳名續千載之洪緒者皆梅之先春報捷乃公修積餘慶致然矣請書以表之是爲序

玉塔鄉判翁公號說

進士古棉劉圮撰

己巳之春三月初旬吉日邑庠生胡琛謁予而言曰古榕之間右洪氏乃鄉閭之善士其與吾家有相如之舊矣迨今年逾知命秉心不回待人以恕故鄉閭咸以正直稱之於是邑宰舉以爲紳爰是從事以來奉命唯謹繩勉勤勤凡鄉閭之詞訟者必理其曲直告訴者必辯別其是非曲直者得其公而不混是非者獲其情而不枉然且律已嚴而持身正接人禮而行已恭故邑宰嘉其能鄉

閻頌其美咸謂有容人之度而非他人所能及焉嘗自號曰判翁敢請先生一言以說之予聞樂道人之善乃聖人垂教之事也人有善而稱頌之者是又厚之道也矧生而知斯人也有素安得不爲之說乎蓋鴻濛混沌之未判而陰陽五行之理渾然一途及其既判輕清者爲天重濁者爲地動爲陽靜爲陰者天地之不可不判者此耳詞訟爭競之未判是非曲直之事混然一轍及其既判則循理者爲是昧理者爲非邪者曲者正者直者詞訟爭競之不可不判者此耳至若動靜云爲之間而理之疑者能判無危殆之憂省察克己之際而幾之微者能判則無情欲之累而凡巨細精粗之事亦莫不以質判爲先今洪氏既以判翁自號吾知其存于心者必判其所善之機者也行于外者必判其所否之事也苟不能判之於心判之于事則以是爲非以非爲是者多矣何處事之得宜而合人心之公哉然則翁之判其判之於己乎抑判之於人乎其亦判之

鄉閭里黨詞訟之間乎則所以書諸紳而終身行之者乎以是乎書以爲記

玉塔鄉矩翁公號說

靜野人王士宜撰

余觀夫人之生幼則稱名長則稱字及年之老則又以號爲稱是以有別乎長幼尊卑之禮乃士君子之所爲而今昔之所同也今有霖田都處士字仲規年膺耆壽蓋取其字之義與行之實而以矩翁爲號亘造余書館而言曰敢請先生爲文說夫號之義余重其所請又見諸子姪執經從予學義不可辭謂夫矩者方也猶爲法度之器吾學夫子所欲不踰也然其意深切一言而能盡贊之乎於是考乎禮冬官云可規可矩者謂之國士玉藻云周旋中規折旋中矩君子之行也非端一誠莊之士曷敢稱而當焉今觀其矩翁乃霖田之名家簪纓之舊族爲人魁岸德性純粹有子諒仁愛之心無阿曲側媚之態居于宗族閭

閨之中事上接下相親和睦靡不合乎禮中乎義或有踰其禮違其義者自有
觀感興其善心而來取法亦莫不取得其正焉有見人心之所同而無彼我之
有間皆由心德相孚持之有方養之有素而能致乎是今見若是得其心樂其
志爲何如也殆見此翁怡情養性於山水之間功名富貴不足累其心鬢髮皤
皤兒孫濟濟自有膏腴可以奉蒸嘗可以宴賓客享昇平仁壽之域乃不識不
知爲黃虞之民歟或蒼姬之民歟抑是今之民歟遂書之以爲贈



Faint, illegible vertical text columns, likely bleed-through from the reverse side of the page.

烏石鄉奇勳公原配林氏百歲請旌坊呈

爲公報百歲懇請建坊用廣皇仁以彰貞壽事竊惟熙朝作養草野篤生秀異之人矍鑠徵祥國家特沛殊恩之政星輝南極占聖世之期願年邁北堂觀天仙之壽域耆英著于巾幗八千歲爲春秋雨露徧于寰區億萬年之教澤邑有霖田都烏石鄉洪林氏者乃州同洪鎬之媳生員洪奇勳之妻監生洪振猷生員洪先登生員捐職洪振先之母監生洪興瑚之祖母也生於康熙二十三年八月十一日寅時屆茲乾隆四拾八年正值百齡之壽孫子一堂而繞膝兒曹五代以承歡二十于歸事舅姑以孝敬廿八失偶悲鸞鶴之分離欲盡節以相從念二親之靡托矢柏舟而立志雖百易以無移以婦代夫撫羣兒而克立延師課藝俾多子以成名迨夫舅姑去逝祭塋克全孝道窮乏持家閭閻莫有閒言至今壽登滿數孝德聞乎四鄰節邁秋霜風聲著于一族誠哉巾幗完人擬

坤元之鍾瑞允矣海濱秀聚實天姥之難逢欣讀恩例凡有百歲者准其建坊
旌表此誠朝廷澤及耄老恩沾閭閻亘百世之隆施莫過此日榮一時之寵遇
特垂萬年雲等同長鄉邦知悉最詳觀母儀之貞美懿行堪誇仰閨闈之循休
禎祥永著既與旌獎之例相符復於輿情之論允協伏乞詳請照例建坊旌表
不特氏叨獲綸恩榮及千載且雲等亦被優渥功昭萬年將見聖澤無邊宏南
天之錫類恩膏遠布暨揭嶺而沾濡矣爲此列僉上呈

計粘事實冊一本 族隣結一張

今 開

- 一壽婦林氏係監生林祥卿之女素承家訓幼嫻內則通達大體溫惠端肅
 - 一壽婦林氏配夫生員洪奇勳年二十于歸敬戒無違淑勤宜家相夫以孝教
- 子以義

一壽婦林氏夫亡時年二十八歲喪葬盡禮哀毀幾不欲生

一壽婦林氏產下三男孫曾蕃衍家訓嚴密延師課督長男監生振猷次生員

先登三生員捐職振先孫監生興瑚曾孫文選等濟濟多人五代繞膝共承

訓誨各安耕讀

一壽婦林氏两眼不昏顏猶少壯飲食如常

一壽婦林氏生於康熙二十三年八月十一日寅時屆茲乾隆四十八年癸卯

正值百齡

揭陽縣正堂李詳文據原呈云云看得卑縣已故生員洪奇勳之妻林氏生於

康熙二十三年八月十一日寅時屆今乾隆四十八年癸卯正值一百歲持身

淑慎賦性端莊二十而賦冰迨泮廿八而弱草棲塵堂前菽水之供已虛子舍

室內機絲之作克殫女工健婦支門已成家業羣兒向學克紹詩書隻身獲五福之先百歲仰九重之錫雖洪氏之完人實熙朝之恬養黃眉兒齒白髮華顛勁節可風遐齡宜享考其閭範休徵不愧旌揚參以鄉評輿論允稱貞吉茲據紳士蕭步雲等呈請前來卑職覆查無異擬合詳請 憲台核轉爲此備由文冊具申

潮州府知府方詳文 看得揭陽壽婦洪林氏係已故生員洪奇勳之妻生于康熙二十三年八月十一日寅時茲乾隆四十八年癸卯正值一百歲賦性端莊持身淑慎二十于歸事舅姑以孝敬七十年孀守課子孫以成名符五福之休徵享百年之願養躋堂中而致慶里黨偕來繞膝下以稱觴孫曾並列人間瑞應旣幸際乎熙朝天上恩頒宜仰邀夫盛典茲據該縣取具冊結具詳前來理合據情轉詳 憲台察核俯賜轉請核題

布政使司李詳文 查看得太和保合爰登多壽之祥字化清寧聿兆引年之
慶茲有揭陽縣壽婦洪林氏生于康熙二十三年甲子計至乾隆四十八年癸
丑壽登一百歲秉姿淑慎賦質柔嘉相夫而婦道無虧教子而母儀足式行符
四德已徵閭則之嫻義協三從宜享遐齡之慶洵爲巾幗完人實爲熙朝壺瑞
茲據該府縣查明具詳前來相應擬由詳候憲台會核具題建坊以彰人瑞
乾隆四十九年五月二十六日題本月二十九日奉旨依議林氏着加恩賞給
上用緞壹疋銀拾兩欽此

百歲坊聯

坤道承乾七十載簾外秋霜皎皎照勁節堅操閱滄海桑田彌著閨房之秀
天眷有德一百年庭前古柏青青祝金章紫綬偕熊丸斷杼常留彤管之芳


奉政大夫同知揭陽縣事李華國贈

礪七紀之冰操更聞百歲餘一籌首唱允矣婺星隨日月
團三珠之綵舞復覩兩階上五代榮封宜乎華表伴乾坤

潮州府揭陽縣知縣折遇蘭贈

志誓柏舟傲熊荻風教以承乾美矣綵衣踰躑俾得三鳳稱世傑
壽登期頤喜曾元盈庭而繞膝誠哉申壺完人適合五代應天褒

辛卯科經元愚姪鳳鳴頓首拜贈



烏石鄉有輝公祠碑記

宗祠之設所以先前裕後綿本支於百世者也我祖有輝公國學生諱興瑚

允良公長子汝盛公之孫也公生平倜儻有大志每以尊祖敬宗爲念觀我族

之大宗旣立思祖考之廟貌未新不勝春露秋霜之感奈孝思雖切而素願難

酬選等於是思成先志於乙亥年請汝盛公入祀大宗我公尊祖之心其少

伸乎更思古者大宗之外復立小宗蓋源遠流長支分派別藉之合漠萃渙且

以崇德報功故於寨南門中街買屋拾數間欲爲有輝公立小宗祠以地基尙

狹將營建而未果乙酉歲堂弟文斂等願將公共三希堂基址聽選等湊建成

事因憑中酌妥價銀照他應得之額付彼收訖立契存照其地遂歸選等台前

後所買之地建爲有輝公祠仍推公孝親之心追尊允良公爲本祠始祖庶在


天之靈慰而錫類無窮矣現議輝祖八子及長孫配祀而外其餘不得擅越議

祀惟屬輝祖宗支者若果科甲濟美才德不論高低仕宦揚芳品秩無拘乎大
小既能光祖耀宗自堪入祠配享是大有望於爾後嗣矣遂刻石為記以垂永
遠云爾

道光九年歲次己丑拾月吉日孫

文達
文選
文繼

全謹記



顯揚金





孔子曰立身行道揚名於後世以顯父母孝之終也故爲人子者或篤志力學或淑身善行居官則清慎勤政在軍則捍國衛民何莫非以揚名顯親爲職志哉我洪氏於潮雖散處各鄉鎮村落然學術科名文武仕宦相繼疊代而出惟舊譜或各就本鄉所有或各就淺近所知大半闕焉弗詳茲謹二蒐集參以郡縣志書及通考通典務求確鑿無訛足爲徵證舊者仍之闕者補之畧者詳之訛者正之分爲舊記新增及附錄來潮仕宦共爲三表雖不敢云詳云悉聊俾後人披閱觸目起敬起孝使揚名顯親之心油然而生並爲後之有志脩譜者留一鱗一爪之徵證云耳志顯揚表



諱字號科名歷宦

顯 舊記

凡非近派而見於史乘者代有
聞人不勝紀錄茲不贅載



始祖 諱普

父共勳字正茂因避仇
改姓益水為洪

孝廉

長樂從官史食品三百
戶

中州人見江西樂平洪
氏族譜

揚

二十一世 諱瑀

進士

知潮州刺史

莆田人見岐北舊譜

表

二十二世 諱适

中書省斷事

莆田人見岐北舊譜


諱 字 號 科 名 歷 官

顯

二十三世 諱主
號 大丁
進士

工部郎中潮州刺史贈
朝請大夫

始創潮州



揚

二十四世 諱璋
號 致政

袁州分宜縣主簿轉藤
州知州官秩奉政大夫

岐北鄉人見舊譜

表

二十五世 諱攀
龍 孝廉

端溪縣主簿轉乳源縣
尹擢封州推官品秩奉
議大夫

岐北鄉人

二十五世 諱附
鳳 鄉薦

選清平主簿轉宣化縣
尹官秩登仕郎

岐北鄉人

諱 字 號 科 名 歷 宦

顯

二十五世 諱 奮
虬 進士

選韶州通判承直郎官
至奉憲大夫

岐北鄉人



揚

二十五世 諱 必
達 漕貢進士

廣州提管官

岐北鄉人

表

二十六世 諱 惠
疇 號 伯宣

二十八世 諱 麟
號 仁璠

祥符丙辰進士

大理寺評事漁村縣知
縣調潮州通判

見正陽族譜開創長泰
縣

岐北鄉人

姓氏族譜

三

顯

諱 字 號

科 名


歷 宦

二十九世 諱宗 啟 號 月山

賜進士

惠州河源縣知縣文林郎

岐北鄉人



揚

祖 諱 牧

知潮州軍事

見府志

三十五世 諱天 驥

進士

官潮州太守有善政祀名宦

晉江人見府志

表

三十五世 諱天 錫 字 君疇 號 裕 昆

宋理宗寶慶二年丙戌進士

授廣東司法調潮州司理辟真州判官改古田縣知縣調通判建寧府擢諸司糧科拜監察御史改大理少卿遷太常廣東提點刑獄知潭州

兼湖南安撫使遷值寶謨閣廣東轉運判官秘書監拜侍讀秘閣修撰福建轉運使知漳州節制屯戍軍馬侍御史兼侍讀工部侍郎兼直學

顯

揚

表

諱 字 號 科 名 歷 宦

三十五世 諱 河
字 一峯

三十六世 諱 桐

三十六世 諱 應
儼

炎興壬午科舉
人

士院加顯文閣侍制湖
南安撫使知潭州改漳
州福建安撫使刑部尚
書晉顯文閣直學士提
舉太平興國宮晉華文
閣直學士端明殿學士

縣尹

選知縣

縣丞

特贈正議大夫諡文毅
來潮開創
見驪塘舊譜及各書志

岐北鄉人

見岐山祠匾
岐北鄉人

岐北鄉人

氏族譜

四

顯

揚

表

諱 字 號 科 名 歷 宦

三十六世 諱 柳

紹熙甲申歲貢

授教諭

岐北鄉人

三十六世 諱 桂

舉人

岐北鄉人

三十七世 諱 福

紹熙壬子科舉人

選知縣


岐北鄉人

三十七世 諱 勤

乾道乙酉科舉人

選知縣

岐北鄉人



諱 字 號 科 名 歷 宦

顯

三十八世諱宜
進諱龜峰

成化十三年丁酉科舉人習書經

遷江縣知縣調新城致政等縣知縣

見龍甲鄉四房舊譜及府志該舊譜誤公諱為宜成并誤遷江縣為清江今并更正

揚

三十八世諱立
號萬年

紹定戊子科舉人端平乙未科進士

翰林院侍讀除巡按御史

岐北鄉人

表

三十九世諱正
鎮

嘉泰四年甲子科武舉人

岐北鄉人


三十九世諱廉

永樂九年辛卯科舉人乙未科進士

岑溪縣知縣陞河南道監察御史

揭陽容尾鄉人見龍甲四房譜及府志

顯		揚		表		
諱	字	號	科	名	歷	宦
祖諱幼			府庠增生習春秋永樂三年乙酉科舉人		桐城教授	
祖諱添			永樂陸年戊子科舉人習書經		衛儀縣縣丞	見龍甲舊譜
祖諱盛			永樂十八年庚子科舉人習書經			見龍甲舊譜
祖諱淑			永樂廿一年癸卯經魁		贛縣教諭	見龍甲舊譜




諱 字 號 科 名 歷 官

祖諱世傳

弘治己酉科舉人

南康府星子縣知縣

見龍甲鄉舊譜



顯

祖諱良弼字光

嘉靖十年辛卯科舉人習易經

永定縣知縣

見龍甲鄉舊譜
蓮塘鄉人

揚

祖諱先志字繼齋

嘉靖十六年丁酉科舉人習易經

工部主事

見龍甲鄉舊譜

表

四十四世諱朝璋字德章號及泉

邑庠生嘉靖丙子科中式第七名亞魁

授睢廣遙山縣調廣西懷集縣又調安吉州通判轉調貴州婺川縣奉旨勅廣西靖江司李

見公神主函內
梅溪鄉人

諱 字 號

科 名

歷 官


顯

四十四世諱朝
典字德邵號悟
泉

嘉靖丙午科歲貢生

漳州長泰縣教諭

梅溪鄉人



揚

四十七世諱居
中字興和號致
吾

萬曆元年癸酉科舉人

梅溪鄉人

表

四十七世諱正
色

天啟元年辛酉科舉人

梅溪鄉人

四十七世諱夢
棟

崇禎十二年乙卯科舉人聯捷
進士翰林院庶吉士

戶科給事中改吏科給事中

鳳彩鄉人見府志及見龍甲舊譜

顯

揚

表

諱 字 號 科 名 歷 宦

祖諱源

貢生

見龍甲鄉舊譜

祖諱宏道

貢生

見龍甲舊譜

祖諱富

貢生

晉江縣訓導


見龍甲舊譜

祖諱聲

貢生

泉州訓導

見龍甲舊譜



顯

揚

表

諱 字 號 科 名 歷 宦

祖諱中立

貢生

仕訓導

見龍甲舊譜

祖諱日彰

貢生

泰興縣丞

見龍甲舊譜

祖諱憲

貢生


仕州判

見龍甲舊譜

祖諱運開

副榜

見龍甲舊譜



顯

揚

表

諱
字
號

祖諱儒

祖諱誥

祖諱鳴皋

祖諱鍾

科

貢生

順治十七年庚子科舉人

武舉人

乾隆十五年庚午科舉人

名

歷

樂昌縣教諭


宦

見龍甲鄉舊譜

見龍甲舊譜

見龍甲舊譜

見龍甲舊譜



顯

諱 字 號

科

名

歷


宦

祖諱喬

進士

延長縣知縣

見龍甲舊譜



揚

祖諱士蘊

恩貢生

見龍甲舊譜

四十九世諱廷

歲貢生

山東東昌府經歷

烏石鄉人
見舊譜

元號汝摯

表

伍十一世諱蕃
字岐衍號之麗

歲貢生

東莞縣訓導

玉塔鄉人
見龍甲舊譜


諱 字 號 科 名 歷 宦

顯 五十二世諱鳳
鳴號興斲

乾隆三十六年
辛卯科經元

揀選知縣

見龍甲鄉舊譜



祖諱鳳集

嘉慶五年歲貢
生

見舊譜

揚

祖諱士蔚

歲貢生

見舊譜

表

祖諱達儒

歲貢生

見舊譜


顯

諱 字 號 科 名 歷 宦

祖諱成烈

歲貢生

舊程鄉人
見舊譜并錄之



揚

祖諱世清

歲貢生

靈山縣訓導

見舊譜

表

祖諱廷錦

歲貢生

見舊譜

祖諱國珍

歲貢生

見舊譜

顯

揚

表

諱
字
號
科
名
歷
宦

新增

三十六世
諱安
定

賜進士

潮陽縣主簿將仕郎

見玉塔譜

三十七世
諱原
樸

進士


梅溪鄉祖見該鄉譜

三十七世
諱統
易
號以清

鄉進士

廣州府學教授

驪塘鄉人
見該鄉譜



諱 字 號

科

名

歷


宦

顯

三十八世 諱元
珪 字 玉田 號 燕
綿

任辦潮州屯戍軍務

洪巷鄉祖
見調查表



揚

四十世 諱明惠
字 惟馨 號 隱士

歲進士

神仙鄉人
見公神主函內

表

四十世 諱鸞 號
清叟

浙江餘姚縣知縣郡定守
獎匾曰化洽花封

鳳埠鄉人
見調查表

四十三世 諱紹
基

鄉進士

鳳埠鄉人
見調查表

顯

揚

表

諱 字 號

科 名

歷 官

四十五世 諱 應
聘 字 尙迎 號 槐
庭

嘉靖己酉科中
式四十名舉人

江西南康府建昌縣知
縣

見玉塔舊譜
按龍甲譜誤以己酉科
為乙卯科今更正

四十六世 諱 豐
城

泉州惠安縣丞

湯坑人
見該鄉來函

五十世 諱 監攀

歲進士

玉塔鄉
見該鄉譜

五十世 諱 振緒
字 允奕

歲貢生

烏石鄉
見該鄉譜

顯

諱 字 號

科

名


歷

宦

五十世 諱 振輝
字 允章 號 蘊其

福建將樂縣典史調補
漳浦縣典史

烏石鄉



揚

祖 諱 振

人 順治丁酉科舉

見舊譜

表

五十一世 諱 天
球 字 哲士

營參將

布心鄉人
見調查來函

五十一世 諱 文
翔

歲貢生

顯

揚

表

諱 字 號

科 名

歷

官

祖諱晨孚

康熙丙戌科

進士翰林院
檢

戶部員外郎

見各鄉祠匾
原籍惠州海豐縣洪官
墟

伍十一世諱端
惠

歲進士

玉塔鄉人見該鄉譜

五十一世諱端
和號 瑚衍

歲進士

玉塔鄉人

五十一世諱端

歲進士

玉塔鄉人

肅字剛衍號之

銳

顯

諱 字 號 科 名 歷 宦

五十二世 諱 尊 歲進士

字 志遠 號 爵苑

玉塔鄉人



揚

五十二世 號 豫 苑 諱 純樂 歲進士

玉塔鄉人

表

五十二世 諱 大 文 號 炳亭 歲貢生

轉水鄉人 見調查來稿

五十三世 諱 上 騰 號 晉軒 廩貢生

候選訓導

轉水鄉人

顯

揚

表

諱 字 號

科 名

歷

官

祖諱肇基

嘉慶丙子科十
八名舉人

見調查表
冠山鄉人

祖諱鐘

嘉慶舉人

見各鄉祠匾
冠山鄉人

祖諱鳳藻


歲貢生

見各鄉祠匾


五十三世諱遇
春號嘉林

嘉慶癸酉科解
元

見調查岐北表



顯	揚	表
諱 字 號	五十四世諱治 平號竹里	祖諱繩武
科 名	咸豐庚申恩進士	歲貢生
歷 官	銓選教諭	
見調查表 鳳埠鄉人	西溝鄉派住潮安城	



諱 字 號 科 名 歷 宦

祖諱濤

道光癸卯科舉人



顯

祖諱懋寬

舉人

揭陽城人

揚

五十四世諱應

恩貢生

儒學教諭

轉水鄉人

鑫號品三

表

五十四世諱鳴

歲貢生

英德縣教諭

轉水鄉人

盛號丹墀

諱 字 號

科 名

名

歷

官

顯

五十五世諱元

廩膳生

高州吳川縣教諭

紅砂鄉人

灝字盛唐號嶧

琴原名樹桐

五十五世諱名香

廣東全省水師提督軍門

南澳鄉人

揚

五十五世諱樹

光緒戊申歲貢

梅溪鄉派

勳號旭升

生

表

五十五世諱點

字復騰號畫閣

衛守備

玉塔鄉人




諱 字 號 科 名 歷 官

顯

五十六世 諱 秉 鈞 字 起澤 號 直 臣

監生

工部主事授郎中江蘇 補用府加鹽運使銜



揚

長生 名 秉釗 號 周臣

署漳平縣知事

布心鄉人

表

五十七世 諱 步 程

貢生

長生 名 寶忠 字 恕之

小靖場知事署 新豐縣知事

顯揚表

諱
字
號
科
名
歷
官



諱 字 號 科 名 歷 官

顯 附錄來潮仕宦

祖 諱 雲蒸

進士

嶺東分守道

湖南攸縣人
府志有傳

揚

祖 諱 哲

舉人

潮州府同知


福建龍溪人

表

祖 諱 彩

潮陽縣訓導

福建南安人




顯

諱 字 號 科 名 歷 宦

祖諱巖

潮陽縣丞

福建龍溪縣人



揚

祖諱祖

揭陽縣教諭

福建人

祖諱汝咨

舉人

饒平縣知縣

泉州晉江人

表

祖諱綱

揭陽縣主簿

鳳陽府吏員

顯揚表


諱字號科名歷宦

祖諱邦祚

舉人

雲南霑益州知州

池州人



祖諱加

惠來北山驛驛丞

興化莆田縣人

祖諱承永

大埔縣訓導

福建人

祖諱果

樟林司巡檢

江南吏員

顯


諱 字 號 科 名 歷 官

祖諱堯天

歲貢生

惠來縣訓導

廣州南海人



揚

祖諱湜

舉人

海山場鹽大使

山陰人

祖諱運升

隆井場鹽大使

江西臨川縣人


表

祖諱楠

神泉司巡檢

保定府祁州人

顯揚表

諱字號	科名	歷宦
祖諱喜松	歲貢	惠來縣訓導
祖諱其哲	進士翰林院庶吉士	惠來縣知縣己卯乙酉 兩科同考試官
祖諱捷		達濠協左營都司
祖諱源		澄海協左營守備
		<p>定安人</p> 

福建人

泉州人

貴州人

顯

揚

表

諱 字 號

科 名


歷 官

長生 官章 景楠

光緒壬辰科進士

內閣中書科中書

廣州人



長生 官章 兆麟

惠州綏靖處幫辦粵軍第四支隊正司令官福建汀漳鎮守使廣東陸軍第二師長潮梅善後處長

湖南寧鄉縣人

長生 官章 兆康

粵軍第七營長署揭陽縣知事

寧鄉縣人

長生 官章 漢雲

粵軍第十一營長署博羅縣知事

寧鄉縣人

